

ЎЗБЕКИСТОН РЕСПУБЛИКАСИ  
ҚОНУНЧИЛИК  
ТЎПЛАМИ

27-сон  
(1151)  
2024 йил  
июль

Ўзбекистон Республикаси қонунчилик тўплами беш бўлимдан иборат:

биринчи бўлимда Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон ва қарорлари эълон қилинади;

учинчи бўлимда Вазирлар Маҳкамасининг қарорлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

бешинчи бўлимда вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

## МУНДАРИЖА

### Биринчи бўлим

218. «Ўзбекистон Республикасининг айрим қонун ҳужжатларига қўшимча ва ўзгартиришлар киритиш тўғрисида» Ўзбекистон Республикасининг 2024 йил 2 июлдаги ЎРҚ–934-сон Қонуни
219. «Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида» Ўзбекистон Республикасининг 2024 йил 2 июлдаги ЎРҚ–935-сон Қонуни

### Иккинчи бўлим

220. «Мактабгача ва мактаб таълими соҳасида давлат бошқаруви тизимини такомиллаштириш чора-тадбирлари тўғрисида» Ўзбекистон Республикаси Президентининг 2024 йил 2 июлдаги ПФ–98-сон Фармони
221. «Йўллар ва йўл инфратузилмасининг яхши ҳолатда сақланишини таъминлаш ҳамда худудларни ободонлаштириш бўйича амалдаги меха-

низмларни такомиллаштириш чора-тадбирлари тўғрисида» Ўзбекистон Республикаси Президентининг 2024 йил 1 июлдаги ПҚ–241-сон қарори

### *Учинчи бўлим*

222. «Қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг бир қисмини қоплаш тартиби тўғрисидаги низомни тасдиқлаш ҳақида» Ўзбекистон Республикаси Вазирлар Маҳкамасининг 2024 йил 2 июлдаги 373-сон қарори

### *Бешинчи бўлим*

223. Ўзбекистон Республикаси Давлат хавфсизлик хизматининг 2024 йил 20 июндаги 12-сон ва Соғлиқни сақлаш вазирлигининг 2024 йил 19 июндаги 7-сон “Ўзбекистон Республикаси Давлат хавфсизлик хизмати “Темурбеклар мактаби” ва “Ёш чегарачилар” ҳарбий-академик лицейларига ўқишга кираётган фуқаролар ҳамда таҳсил олаётган ўқувчиларни тиббий кўрикдан ўтказиш тартиби тўғрисидаги низомни тасдиқлаш ҳақида”ги қарори (*Ўзбекистон Республикаси Адлия вазирлиги томонидан 2024 йил 1 июлда рўйхатдан ўтказилди, рўйхат рақами 3524*)
224. O‘zbekiston Respublikasi Vazirlar Mahkamasi huzuridagi Soliq qo‘mitasining 2024-yil 26-iyundagi 2024-08-son “Yuridik shaxslarni yirik soliq to‘lovchilar toifasiga kiritishning mezonlarini belgilash to‘g‘risidagi nizomga o‘zgartirish va qo‘shimchalar kiritish haqida”gi qarori (*O‘zbekiston Respublikasi Adliya vazirligi tomonidan 2024-yil 1-iyulda ro‘yxatdan o‘tkazildi, ro‘yxat raqami 3172-3*)
225. Ўзбекистон Республикаси Олий таълим, фан ва инновациялар вазирлигининг 2024 йил 30 майдаги 7-қ/қ-сон, Камбағалликни қисқартириш ва бандлик вазирлигининг 2024 йил 20 майдаги 7-2024/ҚҚ-сон ҳамда Иқтисодиёт ва молия вазирлигининг 2024 йил 20 майдаги 124-сон “Академик лицей, касб-ҳунар мактаби, коллеж ва техникумлар бошқарув, техник, хизмат кўрсатувчи ва ўқув-ёрдамчи ходимларининг намунавий штатларини тасдиқлаш тўғрисида”ги қарорга ўзгартириш ва қўшимчалар киритиш ҳақида”ги қарори (*Ўзбекистон Республикаси Адлия вазирлиги томонидан 2024 йил 1 июлда рўйхатдан ўтказилди, рўйхат рақами 3119-3*)
226. Ўзбекистон Республикаси камбағалликни қисқартириш ва бандлик вазирининг 2024 йил 30 майдаги 8-2024/Б-сон “Йиғма темирбетон ва бетон конструкциялар ва буюмлар ишлаб чиқариш ходимлари учун меҳнатни муҳофаза қилиш қоидаларига ўзгартириш ва қўшимчалар киритиш тўғрисида”ги буйруғи (*Ўзбекистон Республикаси Адлия вазирлиги*

*томонидан 2024 йил 3 июлда рўйхатдан ўтказилди, рўйхат рақами 1967-4)*

227. O‘zbekiston Respublikasi Markaziy banki boshqaruvining 2024-yil 19-iyundagi 21/3-son “To‘lov tizimi operatorlari va to‘lov tashkilotlari faoliyatini litsenziyalash tartibi to‘g‘risidagi nizomga o‘zgartirish va qo‘shimchalar kiritish haqida”gi qarori (*O‘zbekiston Respublikasi Adliya vazirligi tomonidan 2024-yil 4-iyulda ro‘yxatdan o‘tkazildi, ro‘yxat raqami 3431-1*)

228. Ўзбекистон Республикаси иқтисодиёт ва молия вазирининг 2024 йил 22 майдаги 125-сон “Божхона кирим ордерининг шакли ва уни тўлдириш қоидаларини тасдиқлаш ҳақида”ги буйруғи (*Ўзбекистон Республикаси Адлия вазирлиги томонидан 2024 йил 4 июлда рўйхатдан ўтказилди, рўйхат рақами 3525*)

Вазирликлар, давлат қўмиталари ва идораларнинг норматив-ҳуқуқий ҳужжатларини давлат рўйхатидан ўтказиш ҳолати тўғрисидаги маълумот

**БИРИНЧИ БЎЛИМ****ЎЗБЕКИСТОН РЕСПУБЛИКАСИНИНГ ҚОНУНИ****218 Ўзбекистон Республикасининг айрим қонун ҳужжатларига қўшимча ва ўзгартиришлар киритиш тўғрисида\***

Қонунчилик палатаси томонидан 2024 йил  
11 июнда қабул қилинган

Сенат томонидан 2024 йил 22 июнда  
маъқулланган

Мамлакатимизда сиёсий партиялар фаолиятини такомиллаштириш, депутатлар ва сенаторларнинг ўз конституциявий ваколатларини амалга ошириши учун қўшимча кафолатлар яратиш бўйича кенг кўламли чора-тадбирлар амалга оширилмоқда, уларнинг сайловчилар ва уларни депутатликка номзод қилиб кўрсатган сиёсий партиялар билан алоқаларини сақлаб туриши учун шарт-шароитлар яратилмоқда.

Шу билан бирга депутатлар ва сенаторлар томонидан одоб-ахлоқ қоидаларига риоя этилишини, уларнинг парламент ва унинг органлари фаолиятида тўлиқ иштирок этишини таъминлаш учун уларнинг ўзи сайланган вакиллик органлари билан ўзаро муносабатларининг ҳуқуқий асосларини янада такомиллаштириш зарур. Шунингдек сиёсий партиялар фаолиятини молиявий жиҳатдан қўллаб-қувватлашни янада кучайтириш ва мамлакатимизда хорижий давлатларнинг сиёсий партиялар фаолияти амалга оширилишини тартибга солиш талаб этилади.

Мазкур Қонун билан «Сиёсий партиялар тўғрисида»ги Ўзбекистон Республикаси Қонунига Ўзбекистон Республикаси ҳудудида хорижий давлатларнинг сиёсий партияларини, уларнинг бўлинмаларини ташкил этишга ва уларнинг фаолияти амалга оширилишига йўл қўйилмаслигини назарда тутувчи қўшимча киритилмоқда.

Шунингдек «Сиёсий партияларни молиялаштириш тўғрисида»ги Ўзбекистон Республикаси Қонунига сиёсий партияларнинг уставда назарда тутилган фаолиятини молиялаштириш учун ажратиладиган давлат маблағларининг йиллик ҳажмини кўпайтиришни, шунингдек Қонунчилик палатасига охирги сайлов натижаларига асосан давлат маблағларини олиш ҳуқуқига эга бўлган сиёсий партиялар ўртасида ушбу маблағларнинг тақсимланиш тартибини ўзгартиришни назарда тутувчи ўзгартиришлар киритилмоқда.

«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»ги ҳамда «Халқ депутатлари вилоят, туман ва шаҳар Кенгаши депутатининг мақоми тўғрисида»ги

\* Ушбу Қонун «Қонунчилик маълумотлари миллий базаси»да 2024 йил 4 июлда эълон қилинган.

Ўзбекистон Республикаси қонунларига Қонунчилик палатаси депутатларининг, Сенат аъзоларининг ва маҳаллий вакиллик органлари депутатларининг ваколатларини муддатидан олдин тугатиш асосларини, шунингдек ўз вазифаларини ва одоб-ахлоқ қоидаларини бузганлиги учун уларга нисбатан қўлланиладиган тартибга солиш чораларини аниқлаштиришни назарда тутувчи қўшимча ва ўзгартиришлар киритилмоқда.

Бундан ташқари Ўзбекистон Республикасининг Меҳнат кодексига ушбу Қонун қоидаларининг амалга оширилишини таъминлашга қаратилган қўшимча киритилмоқда.

Ушбу Қонун сиёсий партиялар фаолиятини мустаҳкамлашга, депутатлар ва сенаторларнинг ўз вазифаларини бажариш чоғидаги масъулиятини оширишга, касбий одоб-ахлоқ қоидаларига риоя этишига, шунингдек уларнинг дахлсизлик ҳуқуқини тўлақонли таъминлашга хизмат қилади.

**1-модда.** Ўзбекистон Республикасининг 1996 йил 26 декабрда қабул қилинган «**Сиёсий партиялар тўғрисида**»ги 337–I-сонли Қонунининг (Ўзбекистон Республикаси Олий Мажлисининг Ахборотномаси, 1997 йил, № 2, 36-модда; 1999 йил, № 9, 229-модда; 2004 йил, № 1-2, 18-модда, № 5, 90-модда; 2005 йил, № 1, 18-модда; Ўзбекистон Республикаси Олий Мажлиси палаталарининг Ахборотномаси, 2007 йил, № 4, 163-модда; 2008 йил, № 12, 637, 640-моддалар; 2014 йил, № 1, 2-модда; 2018 йил, № 4, 224-модда; 2019 йил, № 2, 47-модда, № 9, 588-модда, № 10, 674-модда; 2020 йил, № 1, 1-модда, № 3, 203-модда; 2021 йил, 4-сонга илова, № 10, 969-модда; 2024 йил, № 2, 105-модда) **6-моддаси** қуйидаги мазмундаги **еттинчи қисм** билан тўлдирилсин:

«Ўзбекистон Республикаси ҳудудда хорижий давлатларнинг сиёсий партияларини, уларнинг бўлинмаларини ташкил этишга ва уларнинг фаолияти амалга оширилишига йўл қўйилмайди».

**2-модда.** Ўзбекистон Республикасининг 2004 йил 30 апрелда қабул қилинган «**Сиёсий партияларни молиялаштириш тўғрисида**»ги 617–II-сонли Қонунининг (Ўзбекистон Республикаси Олий Мажлисининг Ахборотномаси, 2004 йил, № 5, 86-модда; Ўзбекистон Республикаси Олий Мажлиси палаталарининг Ахборотномаси, 2015 йил, № 12, 452-модда; 2019 йил, № 12, 880-модда; 2021 йил, № 2, 139-модда, 4-сонга илова; 2022 йил, № 3, 216-модда) **7-моддасига** қуйидаги ўзгартиришлар ва қўшимча киритилсин:

**иккинчи қисмидаги** «1 январидаги ҳолатга кўра белгиланган базавий ҳисоблаш миқдорининг икки фоизини» деган сўзлар «1 сентябридаги ҳолатга кўра белгиланган базавий ҳисоблаш миқдорининг икки ярим фоизини» деган сўзлар билан алмаштирилсин;

**учинчи қисми** қуйидаги таҳрирда баён этилсин:

«Ушбу модданинг иккинчи қисмида кўрсатилган давлат маблағларини Ўзбекистон Республикаси Вазирлар Маҳкамаси белгилайдиган тартибда Ўзбекистон Республикаси Адлия вазирлиги Қонунчилик палатасига охириги сайловнинг Ўзбекистон Республикаси Марказий сайлов комиссияси томонидан

аниқланган натижаларига асосан бу маблағларни олиш ҳуқуқига эга бўлган сиёсий партиялар ўртасида қуйидаги тартибда тақсимлайди:

ажратиладиган маблағларнинг қирқ фоизи сиёсий партиялар ўртасида тенг миқдорда;

ажратиладиган маблағларнинг олтиш фоизи сиёсий партиялар ўртасида уларнинг Қонунчилик палатасида олган депутатлик ўринлари миқдорига мутаносиб равишда;

қуйидаги мазмундаги **тўртинчи қисм** билан тўлдирилсин:

«Бунда Қонунчилик палатаси депутатларининг сони ўзгарган тақдирда, давлат маблағларини қайта тақсимлаш амалга оширилмайди».

**3-модда.** Ўзбекистон Республикасининг 2004 йил 2 декабрда қабул қилинган **«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»**-ги 704–II-сонли Қонунига (Ўзбекистон Республикаси Олий Мажлисининг Ахборотномаси, 2005 йил, № 1, 8-модда; Ўзбекистон Республикаси Олий Мажлиси палаталарининг Ахборотномаси, 2008 йил, № 12, 637-модда; 2015 йил, № 12, 452-модда; 2017 йил, № 9, 510-модда; 2019 йил, № 5, 261-модда, № 9, 588-модда, № 12, 880-модда; 2020 йил, № 8, 488-модда; 2021 йил, 4-сонга илова, № 10, 969-модда; 2023 йил, № 12, 1003-модда; 2024 йил, № 2, 109-модда) қуйидаги қўшимча ва ўзгартиришлар киритилсин:

1) **4-модда:**

**иккинчи қисми:**

қуйидаги мазмундаги **бешинчи — саккизинчи хатбошилар** билан тўлдирилсин:

«депутат, Сенатда доимий асосда ишловчи сенатор ҳақ тўланадиган тегишли турдаги фаолият билан шуғулланишга йўл қўйилмаслиги тўғрисида огоҳлантириш олганидан кейин ҳақ тўланадиган бошқа турдаги фаолият (илмий, ижодий ва педагогик фаолиятдан ташқари) билан шуғулланган тақдирда;

тегишли палата, сиёсий партия фракцияси, ўзи таркибига сайланган қўмита, комиссия фаолиятида бир календарь йил ичида ўттиз ёки ундан ортиқ иш куни узрли сабабларсиз иштирок этмаган тақдирда;

чет давлатнинг доимий яшаш гувоҳномасини ёки чет давлат ҳудудида доимий яшаш ҳуқуқини тасдиқловчи бошқа ҳужжатни олган тақдирда;

партия рўйхати асосида сайланган депутат ўзини депутатликка номзод этиб кўрсатган сиёсий партия аъзолigidан чиққан тақдирда»;

**бешинчи — ўнинчи хатбошилари** тегишинча **тўққизинчи — ўн тўртинчи хатбошилар** деб ҳисоблансин;

қуйидаги мазмундаги **бешинчи қисм** билан тўлдирилсин:

«Ушбу модда иккинчи қисмининг олтинчи хатбошисида назарда тутилган ҳолларда депутатнинг, сенаторнинг ваколатлари тегишинча Қонунчилик палатасининг, Сенатнинг қарорига биноан муддатидан илгари тугатилади»;

**бешинчи қисми олтинчи қисм** деб ҳисоблансин;

2) **8-модданинг биринчи ва иккинчи қисмлари** қуйидаги тахрирда баён этилсин:

«Депутат, сенатор тегишинча Қонунчилик палатасининг, Сенатнинг мажлисларида, шунингдек ўзи таркибига кирган сиёсий партия фракцияларининг, палатанинг қайси қўмитаси, комиссияси таркибига, келишув комиссияси таркибига сайланган бўлса, шу қўмита, комиссиянинг мажлисларида қатнашиши, овоз беришда Қонунчилик палатасининг, Сенатнинг регламентларида белгиланган тартибда шахсан иштирок этиши шарт.

Қонунчилик палатаси, Сенат, сиёсий партия фракцияси, қўмита, комиссия, келишув комиссияси мажлисида иштирок этиш имконияти бўлмаган тақдирда, депутат, сенатор бу ҳақда тегишинча Қонунчилик палатаси Спикерига, Сенат Раисига, сиёсий партия фракцияси раҳбарига, қўмита, комиссия раисига, келишув комиссиясининг тегишли палатадан сайланган ҳамраисига олдиндан хабар қилиши шарт»;

3) **11-модданинг иккинчи қисми** қўйидаги мазмундаги **иккинчи** ва **учинчи қисмлар** билан алмаштирилсин:

«Депутатнинг, сенаторнинг одоб-ахлоқ қоидалари тегишинча Қонунчилик палатаси ва Сенат қарори билан тасдиқланади.

Депутатнинг, сенаторнинг одоб-ахлоқ қоидалари бузилган тақдирда депутатнинг, сенаторнинг хулқ-атвори тўғрисидаги масала тегишли палата ёки унинг одоб-ахлоқ комиссияси томонидан кўриб чиқилиши мумкин»;

4) қўйидаги мазмундаги **11<sup>1</sup>-модда** билан тўлдирилсин:

**«11<sup>1</sup>-модда. Депутатнинг, сенаторнинг одоб-ахлоқ қоидалари депутат, сенатор томонидан бузилганлиги учун қўлланиладиган чоралар**

Депутатнинг, сенаторнинг одоб-ахлоқ қоидалари депутат, сенатор томонидан бузилганлиги учун депутатга, сенаторга нисбатан қўйидаги таъсир чоралари қўлланилиши мумкин:

депутатнинг, сенаторнинг одоб-ахлоқ қоидаларини бузишга йўл қўйилмаслиги кўрсатиб ўтилган ҳолда депутатга, сенаторга огоҳлантириш бериш; депутатдан, сенатордан тегишинча Қонунчилик палатаси, Сенат, шунингдек ўзи таркибига сайланган қўмита, комиссия мажлисларида узр сўрашни талаб қилиш;

депутатнинг, сенаторнинг одоб-ахлоқ қоидалари бузилишига депутат, сенатор томонидан йўл қўйилганлиги фактини палата мажлисида ўқиб эшитириш;

депутатнинг, Сенатда доимий асосда ишловчи сенаторнинг иш ҳақидан ушлаб қолиш;

депутатнинг, сенаторнинг ваколатларини муддатидан илгари тугатиш.

Депутат, Сенатда доимий асосда ишловчи сенатор тегишли палата, ўзи таркибига кирган сиёсий партия фракцияси, шунингдек ўзи таркибига сайланган қўмита, комиссия мажлисларида узрли сабабларсиз иштирок этмаган тақдирда, ҳар бир иштирок этилмаган ҳолат учун депутатнинг, Сенатда доимий асосда ишловчи сенаторнинг бир кунлик иш ҳақи уларнинг розилигисиз ушлаб қолинади. Бунда депутатнинг, сенаторнинг вақтинча меҳнатга қобилиятсизлиги, хизмат сафариди, меҳнат таътилида ёки ижтимоий таътил-

да бўлганлиги, шунингдек Қонунчилик палатаси Спикерига, Сенат Раисига, сиёсий партия фракцияси раҳбарига, қўмита, комиссия раисига олдиндан хабар берилган, мазкур мажлисларда иштирок этмасликнинг бошқа сабаблари тегишли палата, ўзи таркибига кирган сиёсий партия фракцияси, шунингдек ўзи таркибига сайланган қўмита, комиссия мажлисларида иштирок этмаслиги учун узрли сабаблар ҳисобланади.

Депутатнинг, сенаторнинг одоб-ахлоқ қоидалари бузилган тақдирда, одоб-ахлоқ комиссияси ёки тегишли палата, унинг Кенгаши қарорига асосан депутатнинг, сенаторнинг хулқ-атвори тўғрисидаги масала кўриб чиқилади ҳамда унга нисбатан ушбу модда биринчи қисмининг иккинчи, учинчи ва тўртинчи хатбошиларида назарда тутилган таъсир чоралари қўлланилади. Ушбу модда биринчи қисмининг бешинчи хатбошисида назарда тутилган таъсир чораси тегишли палата Кенгашининг қарорларига асосан қўлланилади, ушбу модда биринчи қисмининг олтинчи хатбошисида назарда тутилган таъсир чораси эса тегишли палатанинг қарорларига асосан қўлланилади».

**4-модда.** Ўзбекистон Республикасининг 2004 йил 2 декабрда қабул қилинган «**Халқ депутатлари маҳаллий Кенгаши депутати, Ўзбекистон Республикаси Олий Мажлисининг Қонунчилик палатаси депутати ва Сенати аъзосини чақириб олиш тўғрисида**»ги 708–II-сонли Қонуни (Ўзбекистон Республикаси Олий Мажлисининг Ахборотномаси, 2005 йил, № 1, 12-модда; Ўзбекистон Республикаси Олий Мажлиси палаталарининг Ахборотномаси, 2008 йил, № 12, 637-модда; 2018 йил, № 4, 224-модда; 2019 йил, № 9, 588-модда; 2021 йил, 4-сонга илова) **1-моддасининг тўртинчи хатбошиси** қуйидаги тахрирда баён этилсин:

«депутатнинг, сенаторнинг қонунчиликда назарда тутилган ўз вазифаларини мунтазам равишда, узрли сабабларсиз бажармаганлиги, шу жумладан тегишли халқ депутатлари Кенгашларининг, Ўзбекистон Республикаси Олий Мажлиси Қонунчилик палатасининг (бундан буён матнда Қонунчилик палатаси деб юритилади), Ўзбекистон Республикаси Олий Мажлиси Сенатининг (бундан буён матнда Сенат деб юритилади), улар органларининг топшириқларини бажармаганлиги».

**5-модда.** Ўзбекистон Республикасининг 2004 йил 2 декабрда қабул қилинган «**Халқ депутатлари вилоят, туман ва шаҳар Кенгаши депутатининг мақоми тўғрисида**»ги 706–II-сонли Қонунига (Ўзбекистон Республикаси Олий Мажлисининг Ахборотномаси, 2005 йил, № 1, 10-модда; Ўзбекистон Республикаси Олий Мажлиси палаталарининг Ахборотномаси, 2018 йил, № 4, 224-модда; 2019 йил, № 9, 588-модда; 2020 йил, № 8, 488-модда, № 9, 537-модда; 2021 йил, № 1, 13-модда, 4-сонга илова; 2022 йил, № 6, 574-модда) қуйидаги қўшимча ва ўзгартиришлар киритилсин:

**1) 3-модданинг учинчи қисми:**

қуйидаги мазмундаги **тўртинчи** ва **бешинчи хатбошилар** билан тўлдирилсин:

«тегишли халқ депутатлари Кенгашининг, мазкур Кенгаш томонидан ту-



зилган, ўзи таркибига сайланган комиссиянинг мажлисларида бир календарь йил ичида ўттиз ёки ундан ортиқ иш куни узрли сабабларсиз иштирок этмаган тақдирда;

чет давлатнинг доимий яшаш гувоҳномасини ёки чет давлат ҳудудида доимий яшаш ҳуқуқини тасдиқловчи бошқа ҳужжатни олган тақдирда»;

**тўртинчи — тўққизинчи хатбошилари** тегишинча **олтинчи — ўн биринчи хатбошилар** деб ҳисоблансин;

қўйидаги мазмундаги **бешинчи қисм** билан тўлдирилсин:

«Ушбу модда учинчи қисмининг тўртинчи хатбошисида назарда тутилган ҳолларда депутатнинг ваколатлари тегишли халқ депутатлари Кенгашининг қарорига биноан муддатидан илгари тугатилади»;

**бешинчи қисми олтинчи қисм** деб ҳисоблансин;

2) **9-модданинг иккинчи қисми** қўйидаги мазмундаги **иккинчи ва учинчи қисмлар** билан алмаштирилсин:

«Депутатнинг одоб-ахлоқ қоидалари тегишли халқ депутатлари Кенгаши томонидан тасдиқланади.

Депутатнинг одоб-ахлоқ қоидалари бузилган тақдирда депутатнинг хулқ-атвори тўғрисидаги масала тегишли халқ депутатлари Кенгаши ёки унинг одоб-ахлоқ комиссияси томонидан кўриб чиқилиши мумкин»;

3) қўйидаги мазмундаги **9<sup>1</sup>-модда** билан тўлдирилсин:

**«9<sup>1</sup>-модда. Депутатнинг одоб-ахлоқ қоидалари депутат томонидан бузилганлиги учун қўлланиладиган чоралар**

Депутатнинг одоб-ахлоқ қоидалари депутат томонидан бузилганлиги учун депутатга нисбатан қўйидаги таъсир чоралари қўлланилиши мумкин:

депутатнинг одоб-ахлоқ қоидаларини бузишга йўл қўйилмаслиги кўрсатиб ўтилган ҳолда депутатга огоҳлантириш бериш;

депутатдан тегишли халқ депутатлари Кенгаши, шунингдек ўзи таркибига сайланган комиссия мажлисларида узр сўрашни талаб қилиш;

депутатнинг одоб-ахлоқ қоидалари бузилишига депутат томонидан йўл қўйилганлиги фактини тегишли халқ депутатлари Кенгаши мажлисида ўқиб эшиттириш;

депутатнинг ваколатларини муддатидан илгари тугатиш.

Депутатнинг одоб-ахлоқ қоидалари бузилган тақдирда, одоб-ахлоқ комиссияси ёки тегишли халқ депутатлари Кенгаши қарорига асосан депутатнинг хулқ-атвори тўғрисидаги масала кўриб чиқилади ва унга нисбатан ушбу модда биринчи қисмининг иккинчи, учинчи ва тўртинчи хатбошиларида назарда тутилган таъсир чоралари қўлланилади. Ушбу модда биринчи қисмининг бешинчи хатбошисида назарда тутилган таъсир чораси тегишли халқ депутатлари Кенгашининг қарорига асосан қўлланилади».

**6-модда.** Ўзбекистон Республикасининг 2022 йил 28 октябрда қабул қилинган ЎРҚ–798-сонли Қонуни билан тасдиқланган **Ўзбекистон Республикасининг Меҳнат кодекси** (Ўзбекистон Республикаси Олий Мажлиси палаталарининг Ахборотномаси, 2022 йил, 10-сонга илова; 2023 йил, № 4,

265-модда, № 11, 923-модда; 2024 йил, № 2, 111-модда) **269-моддасининг иккинчи қисми** қуйидаги мазмундаги **7-банд** билан тўлдирилсин:

«7) қонунда назарда тутилган бошқа ҳолларда».

**7-модда.** Ўзбекистон Республикаси Адлия вазирлиги ва бошқа манфаатдор ташкилотлар ушбу Қонуннинг ижросини, ижрочиларга етказилишини ҳамда моҳияти ва аҳамияти аҳоли ўртасида тушунтирилишини таъминласин.

**8-модда.** Ўзбекистон Республикаси Вазирлар Маҳкамаси: ҳукумат қарорларини ушбу Қонунга мувофиқлаштирсин; республика ижро этувчи ҳокимият органлари ушбу Қонунга зид бўлган ўз норматив-ҳуқуқий ҳужжатларини қайта кўриб чиқишлари ва бекор қилишларини таъминласин.

**9-модда.** Ушбу Қонун расмий эълон қилинган кундан эътиборан кучга киради.

**Ўзбекистон Республикасининг  
Президенти**

**Ш. МИРЗИЁЕВ**

Тошкент ш.,  
2024 йил 2 июль,  
ЎРҚ–934-сон

## ЎЗБЕКИСТОН РЕСПУБЛИКАСИНING ҚОНУНИ

**219** Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида\*

Қонунчилик палатаси томонидан 2024 йил  
23 апрелда қабул қилинган

Сенат томонидан 2024 йил 18 майда  
маъқулланган

Ушбу Қонун билан «Лицензиялаш, рухсат бериш ва хабардор қилиш тартиб-таомиллари тўғрисида»ги Ўзбекистон Республикаси Қонунига ўзгартириш ва қўшимчалар киритилиб, уларга биноан «Умра» тадбирларини ташкил этиш ва ўтказиш бўйича хизматлар кўрсатишга доир фаолият лицензияланган фаолиятнинг алоҳида тури сифатида белгиланмоқда ҳамда Ўзбекистон Республикаси Дин ишлари бўйича қўмитаси мазкур соҳадаги лицензияловчи ваколатли орган сифатида белгиланмоқда.

Бундан ташқари «Давлат божи тўғрисида»ги Ўзбекистон Республикаси Қонунига «Умра» тадбирларини ташкил этиш ва ўтказиш бўйича фаолиятга лицензия берганлик учун тўланадиган давлат божи ставкаси миқдорини белгиловчи қўшимча киритилмоқда.

Ушбу Қонун «Умра» зиёратини амалга оширадиган фуқароларга янада қулай шарт-шароитлар яратишга, уларнинг ҳуқуқлари ва қонуний манфаатлари тўлақонли ҳимоя қилинишини таъминлашга ҳамда бундай фаолият билан шуғулланувчи юридик шахсларнинг масъулиятини оширишга хизмат қилади.

**1-модда.** Ўзбекистон Республикасининг 2020 йил 6 январда қабул қилинган «Давлат божи тўғрисида»ги ЎРҚ–600-сонли Қонунига (Ўзбекистон Республикаси Олий Мажлиси палаталарининг Ахборотномаси, 2020 йил, № 1, 1-модда, № 3, 201-модда, № 5, 298-модда, № 10, 593-модда, № 12, 691-модда; 2021 йил, № 1, 13-модда, 4-сонга илова, № 7, 661-модда, № 8, 800, 803-моддалар, № 10, 968-модда; 2022 йил, № 2, 76-модда, № 3, 214, 216-моддалар, № 4, 340-модда, № 5, 463, 464, 467-моддалар, № 12, 1186-модда; 2023 йил, № 2, 103-модда, № 3, 186-модда, № 4, 265, 269-моддалар, № 6, 444, 445-моддалар, № 7, 538-модда; 2024 йил, № 1, 5, 6, 7-моддалар, № 2, 101, 105, 107, 108, 111, 112-моддалар) **илованинг 28-банди** қуйидаги таҳрирда баён этилсин:

«	
<b>28. Фаолиятнинг айрим турларини Ўзбекистон Республикаси Дин ишлари бўйича қўмитаси томонидан лицензиялаганлик учун тўланадиган давлат божи:</b>	
а) диний таълим муассасаларининг фаолияти	— БХМнинг 10 баравари
б) «Умра» тадбирларини ташкил этиш ва ўтказиш бўйича фаолият	— БХМнинг 10 баравари

».

\* Ушбу Қонун «Қонунчилик маълумотлари миллий базаси»да 2024 йил 4 июлда эълон қилинган.

**2-модда.** Ўзбекистон Республикасининг 2021 йил 14 июлда қабул қилинган «Лицензиялаш, рухсат бериш ва хабардор қилиш тартиб-таомиллари тўғрисида»ги ЎРҚ–701-сонли Қонунига (Ўзбекистон Республикаси Олий Мажлиси палаталарининг Ахборотномаси, 2021 йил, № 7, 661-модда; 2022 йил, № 4, 340-модда, № 5, 465-модда; 2023 йил, № 2, 103-модда, № 3, 185-модда, № 7, 533-модда, № 9, 710, №11, 921, 923-моддалар; 2024 йил, № 1, 5, 7-моддалар, № 2, 105, 112-моддалар) қуйидаги ўзгартириш ва қўшимчалар киритилсин:

**1) 1-илова:**

**45-позициясининг «Лицензиялаш соҳасидаги ваколатли органлар»** деган устунидаги «Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита» деган сўзлар «Ўзбекистон Республикаси Дин ишлари бўйича қўмитаси» деган сўзлар билан алмаштирилсин; қуйидаги мазмундаги **51-позиция** билан тўлдирилсин:

«

51.	«Умра» тадбирларини ташкил этиш ва ўтказиш бўйича фаолият учун лицензия	«Умра» тадбирларини ташкил этиш ва ўтказиш бўйича хизматлар кўрсатишга доир фаолият.	Ўзбекистон Республикаси Дин ишлари бўйича қўмитаси
-----	---	--	--

»;

**2) 2-илова** қуйидаги мазмундаги **123-позиция** билан тўлдирилсин:

«

123.	Давлат харидлари электрон тизими оператори фаолиятини амалга ошириш учун рухсатнома	Давлат харидларининг субъектларига давлат харидлари электрон тизимларида харид қилиш тартиб-таомилларини амалга ошириш билан боғлиқ хизматлар кўрсатиш.	Ўзбекистон Республикаси Иқтисодиёт ва молия вазирлиги
------	---	---	---

»;

**3) 4-илованинг:**

**I бўлими** қуйидаги мазмундаги **44-позиция** билан тўлдирилсин:

«

44.	«Умра» тадбирларини ташкил этиш ва ўтказиш бўйича фаолият учун лицензия	200
-----	---	-----

»;

**II бўлими** қуйидаги мазмундаги **113-позиция** билан тўлдирилсин

«

113.	Давлат харидлари электрон тизими оператори фаолиятини амалга ошириш учун рухсатнома	200
------	---	-----

».

**3-модда.** Ўзбекистон Республикаси Иқтисодиёт ва молия вазирлиги, Ўзбекистон Республикаси Дин ишлари бўйича қўмитаси ҳамда бошқа манфаатдор ташкилотлар ушбу Қонуннинг ижросини, ижрочиларга етказилишини ҳамда моҳияти ва аҳамияти аҳоли ўртасида тушунтирилишини таъминласин.

**4-модда.** Ўзбекистон Республикаси Вазирлар Маҳкамаси:  
хукумат қарорларини ушбу Қонунга мувофиқлаштиради;  
республика ижро этувчи ҳокимият органлари ушбу Қонунга зид бўлган ўз норматив-ҳуқуқий ҳужжатларини қайта кўриб чиқишлари ва бекор қилишларини таъминласин.

**5-модда.** Ушбу Қонун расмий эълон қилинган кундан эътиборан уч ой ўтгач кучга киради.

**Ўзбекистон Республикасининг  
Президенти**

**Ш. МИРЗИЁЕВ**

Тошкент ш.,  
2024 йил 2 июль,  
ЎРҚ-935-сон

## ИККИНЧИ БЎЛИМ

### ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

#### **220** Мактабгача ва мактаб таълими соҳасида давлат бошқаруви тизимини такомиллаштириш чора-тадбирлари тўғрисида\*

Мактабгача ва мактаб таълимида яхлит давлат бошқаруви тизимини ташкил қилиш, ушбу соҳадаги долзарб муаммоларни самарали ҳал этиш, давлат ва нодавлат мактабгача таълим ташкилотлари фаолиятини янада ривожлантириш ҳамда мактабгача таълим йўналишида белгиланган мақсадли кўрсаткичларга эришишни таъминлаш мақсадида:

1. Мактабгача ва мактаб таълими вазирлигининг Мактабгача таълим агентлиги (кейинги ўринларда — Агентлик) фаолиятини тугатиш ҳамда Агентликнинг ташкилий тузилмасидаги ташкилотларни 1-иловага мувофиқ вазирлик тасарруфига ўтказиш тўғрисидаги таклифига розилик берилсин.

2. Мактабгача ва мактаб таълими вазирлиги зиммасига қуйидаги қўшимча функцияларни бажариш юклатилсин:

илғор хорижий тажрибани ҳисобга олган ҳолда мактабгача ёшдаги болаларни ҳар томонлама интеллектуал, ахлоқий, эстетик ва жисмоний ривожлантириш учун шарт-шароитлар яратиш;

мактабгача таълим ва тарбия жараёнига замонавий инновацион педагогик технологияларни, таълим ва тарбиянинг самарали шакллари ҳамда усулларини жорий этиш;

мактабгача таълимнинг ўқув режа, дастур ва ўқув-методик мажмуаларини такомиллаштириш, уларнинг умумий ўрта таълим дастурлари билан узвийлигини таъминлаш;

давлат ва нодавлат мактабгача таълим ташкилотлари орасида соғлом рақобат муҳитини яратиш ҳисобига барча болаларнинг мактабгача таълим билан босқичма-босқич қамраб олинишини таъминлаш;

нодавлат ва давлат-хусусий шериклик асосидаги мактабгача таълим ташкилотлари тармоғини кенгайтириш, уларга қонунчилик ҳужжатларига мувофиқ субсидия ва компенсациялар ажратиш, берилаётган давлат кўмагининг самарали ва мақсадли ишлатилиши устидан таъсирчан назоратни ўрнатиш;

мактабгача таълим ташкилотлари тарбияланувчиларининг рационал ва белгиланган меъёрлар асосида соғлом ва тўғри овқатланишини таъминлаш;

соҳада замонавий ахборот технологияларини қўллаш, бошқарув жараёнларини рақамлаштириш ва ҳужжатлар айланмасини қисқартириш орқали мактабгача таълим хизматлари сифатини ошириш.

\* Ушбу Фармон «Қонунчилик маълумотлари миллий базаси»да 2024 йил 4 июлда эълон қилинган.

3. Мактабгача таълим тизимида амалга оширилаётган ислохотларни изчил давом эттириш мақсадида Агентлик фаолиятини тугатиш натижасида мақбуллаштирилладиган 66 та штат бирликлари қуйидагича тақсимлансин:

39 та штат бирлиги — Мактабгача ва мактаб таълими вазирлигининг марказий аппаратиغا;

14 та штат бирлиги — Қорақалпоғистон Республикаси Мактабгача ва мактаб таълими вазирлиги, вилоятлар ва Тошкент шаҳар мактабгача ва мактаб таълими бошқармаларига;

13 та штат бирлиги — Қорақалпоғистон Республикаси ва вилоятлар педагогик маҳорат марказларининг методик хизмат кўрсатиш бўлимларига берилсин.

4. Белгилансинки, Мактабгача ва мактаб таълими вазирлиги Агентлигининг ҳуқуқлари, мажбуриятлари ва шартномалари, шу жумладан халқаро шартномалари бўйича ҳуқуқий вориси ҳисобланади.

5. Агентлиkning Тошкент шаҳри, Миробод тумани, Амир Темур шоҳ кўчаси, 17-уй манзилидаги бино-иншоотлари оператив бошқарув ҳуқуқи асосида Ижтимоий ҳимоя миллий агентлигига берилсин.

6. Ўзбекистон Республикаси Президентининг ва Ўзбекистон Республикаси Ҳукуматининг айрим ҳужжатларига 2-иловага мувофиқ ўзгартиришлар ва қўшимча киритилсин.

7. Мактабгача ва мактаб таълими вазирлиги бошқа манфаатдор вазирлик ва идоралар билан биргаликда уч ой муддатда қонунчилик ҳужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

8. Мазкур Фармоннинг ижросини назорат қилиш Ўзбекистон Республикаси Бош вазири А.Н. Арипов зиммасига юклансин.

**Ўзбекистон Республикаси**  
**Президенти**

**Ш. МИРЗИЁЕВ**

Тошкент ш.,  
2024 йил 2 июль,  
ПФ–98-сон

Ўзбекистон Республикаси  
Президентининг 2024 йил 2 июлдаги  
ПФ–98-сон Фармониغا  
1-ИЛОВА

**Мактабгача таълим агентлиги ташкилий тузилмасидан  
Мактабгача ва мактаб таълими вазирлиги тасарруфига  
ўтказилаётган ташкилотлар  
РЎЙХАТИ**

1.	Тошкент шаҳридаги «А.И. Герцен номидаги Россия давлат педагогика университети» Федерал давлат бюджети олий таълим муассасаси филиали
2.	Тошкент шаҳридаги Пучон университети
3.	«Имкон» реабилитация марказига эга давлат кўп тармоқли ихтисослаштирилган мактабгача таълим ташкилотлари*
4.	Экспериментал давлат мактабгача таълим ташкилотлари
5.	«Ilk Qadam» (IQ) журнали таҳририяти» ДУК
6.	Педагогика коллежлари
7.	«Ахборот ва педагогика технологиялари инновацион маркази» МЧЖ
8.	Жаҳон банки билан ҳамкорликда «Болаларни эрта ёшдан ривожлантиришни такомиллаштириш» лойиҳасини амалга ошириш гуруҳи
9.	Ихтисослаштирилган лойиҳа-изланиш институти

\* Ўзбекистон Республикаси Президентининг 2023 йил 1 июндаги «Аҳолига сифатли ижтимоий хизмат ва ёрдам кўрсатиш ҳамда унинг самарали назорат тизимини йўлга қўйиш бўйича комплекс чора-тадбирлар тўғрисида»ги ПФ–82-сон Фармониغا мувофиқ 2024 йил 1 августдан бошлаб «Имкон» реабилитация марказига эга давлат кўп тармоқли ихтисослаштирилган мактабгача таълим ташкилотлари Ўзбекистон Республикаси Президенти ҳузуридаги Ижтимоий ҳимоя миллий агентлиги тузилмасига ўтказилади.



Ўзбекистон Республикаси  
Президентининг 2024 йил 2 июлдаги  
ПФ–98-сон Фармониغا  
2-ИЛОВА

**Ўзбекистон Республикаси Президентининг ва Ўзбекистон  
Республикаси Ҳукуматининг айрим ҳужжатларига  
киритилаётган ўзгартиришлар ва қўшимча**

1. Ўзбекистон Республикаси Президентининг 2023 йил 25 январдаги «Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида»ги ПФ–14-сон Фармонида:

а) 1-илованинг «13. Мактабгача ва мактаб таълими вазирлиги» бўлими қуйидаги таҳрирда баён этилсин:

«

<b>13. Мактабгача ва мактаб таълими вазирлиги</b>			
Мактабгача ва мактаб таълими вазирлиги	4 202	4 202	
шу жумладан вазир ўринбосарлари сони	4	4	
Ихтисослаштирилган таълим муассасалари агентлиги	73	73	
шу жумладан директор ўринбосарлари сони	2	2	

»;

б) 2-иловадан 13-банднинг 13.1-кичик банди чиқариб ташлансин;

в) 2а-иловадан 13.1-позиция чиқариб ташлансин.

2. Ўзбекистон Республикаси Президентининг 2023 йил 26 майдаги «Мактабгача ва мактаб таълими вазирлиги ҳамда унинг тизимидаги ташкилотлар фаолиятини самарали ташкил этиш чора-тадбирлари тўғрисида»ги ПФ–79-сон Фармонида:

а) 1-бандда:

бешинчи хатбоши чиқариб ташлансин;

олтинчи — саккизинчи хатбошилар тегишлича бешинчи — еттинчи хатбошилар деб ҳисоблансин;

б) 15-банднинг биринчи хатбошисидан «, мактабгача ва мактаб таълими вазирининг биринчи ўринбосари — Мактабгача таълим агентлиги директори А.В. Шин» сўзлари чиқариб ташлансин;

в) 3-илованинг\* матни қуйидаги таҳрирда баён этилсин:

г) 4-илова ўз кучини йўқотган деб ҳисоблансин.

3. Ўзбекистон Республикаси Президентининг 2018 йил 5 апрелдаги «Мактабгача таълим тизимини янада рағбатлантириш ва ривожлантириш чора-тадбирлари тўғрисида»ги ПҚ–3651-сон қарорида:

а) 5-банднинг учинчи хатбошисидаги «нархининг 50 фоизи миқдоридан»

\* 3-илова «Қонунчилик маълумотлари миллий базаси»да эълон қилинган.

сўзлари «учун қонунчиликда белгиланган тартибда» сўзлари билан алмаштирилсин;

б) 1-иловада:

47-банднинг учинчи хатбошисидаги «25 фоизи» сўзлари «20 фоизи» сўзлари билан алмаштирилсин;

58-банднинг учинчи хатбошисидаги «25 фоизи» сўзлари «20 фоизи» сўзлари билан алмаштирилсин;

98-банддаги «35 фоизи» сўзлари «25 фоизи» сўзлари билан алмаштирилсин;

103-банд қуйидаги таҳрирда баён этилсин:

«103. Давлат шериги зиммасига лойиҳани амалга оширишда қўшимча равишда қуйидагиларни таъминлаш юклатилади:

а) 2024 йил 1 августдан бошлаб Тошкент шаҳрида фаолият юритаётган оилавий нодавлат мактабгача таълим ташкилотлари томонидан ёлланган тарбиячи ва тарбиячи ёрдамчиларига 9 соатлик давлат мактабгача таълим ташкилотларида ушбу ходимлар учун белгиланган миқдорларда иш ҳақи тўлаш;

б) 2024 йил 1 августдан бошлаб Қорақалпоғистон Республикаси ва вилоятларнинг 1 ва 2-тоифадаги туман (шаҳар)ларида фаолият юритаётган оилавий нодавлат мактабгача таълим ташкилотларга:

улар томонидан ёлланган тарбиячи ва тарбиячи ёрдамчиларига 9 соатлик давлат мактабгача таълим ташкилотларида ушбу ходимлар учун белгиланган иш ҳақининг 75 фоизи миқдорида ҳақ тўлаш;

уларда таълим олаётган ҳар бир болани давлат мактабгача таълим ташкилотлари учун белгиланган нормативлар бўйича овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлаш харажатларининг 75 фоизини қоплаш;

в) 2024 йил 1 августдан 2025 йил 1 январга қадар 3-тоифадаги туман (шаҳар)ларда фаолият юритаётган оилавий нодавлат мактабгача таълим ташкилотларга:

улар томонидан ёлланган тарбиячи ва тарбиячи ёрдамчиларига 9 соатлик давлат мактабгача таълим ташкилотларида ушбу ходимлар учун белгиланган иш ҳақининг 90 фоизи миқдорида ҳақ тўлаш;

уларда таълим олаётган ҳар бир болани давлат мактабгача таълим ташкилотлари учун белгиланган нормативлар бўйича овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлаш харажатларининг 90 фоизини қоплаш;

г) 2025 йил 1 январдан бошлаб 3-тоифадаги туман (шаҳар)ларда фаолият юритаётган оилавий нодавлат мактабгача таълим ташкилотларга:

улар томонидан ёлланган тарбиячи ва тарбиячи ёрдамчиларига 9 соатлик давлат мактабгача таълим ташкилотларида ушбу ходимлар учун белгиланган иш ҳақининг 85 фоизи миқдорида ҳақ тўлаш;

уларда таълим олаётган ҳар бир болани давлат мактабгача таълим ташкилотлари учун белгиланган нормативлар бўйича овқатлантириш, юмшоқ

жихозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлаш харажатларининг 85 фоизини қоплаш;

д) 4 ва 5-тоифадаги туман (шаҳар)ларда фаолият юритаётган оилавий нодавлат мактабгача таълим ташкилотларга:

улар томонидан ёлланган тарбиячи ва тарбиячи ёрдамчиларига 9 соатлик давлат мактабгача таълим ташкилотларида ушбу ходимлар учун белгиланган миқдорларда иш ҳақини тўлаш;

уларда таълим олаётган ҳар бир болани давлат мактабгача таълим ташкилотлари учун белгиланган нормативлар бўйича овқатлантириш, юмшоқ жихозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлаш харажатларини қоплаш;

е) 2021 йил 1 майдан бошлаб боқувчисини йўқотган аёллар фарзандларининг ота-оналар бадали тўловларини тегишли ҳудуддаги 9 соатлик давлат мактабгача таълим ташкилотлари учун белгиланган миқдорларда қоплаш;

ж) мактабгача таълим туман бўлими томонидан услубий ёрдам кўрсатиш;

з) Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, туман (шаҳар) ҳокимликлари билан биргаликда таълим ташкилотини мактабгача таълим ташкилотлари учун мўлжалланган мебель, ашё ва анжомлар билан жиҳозлашга кўмаклашиш;

и) жиҳозлар, асбоб-ускуналар ва ўқув материалларини фойдаланишга бериш;

к) тегишли қишлоқ врачлик пунктдан ёки қишлоқ оилавий поликлиникасидан тиббиёт ходимини бириктириш;

л) оилавий нодавлат мактабгача таълим ташкилотларини ҳудудий мактабгача таълим бошқармалари орқали ўқув материаллари билан бепул таъминлаш»;

104-банднинг учинчи хатбошисидаги «70 фоизи» сўзлари «35 фоизи» сўзлари билан алмаштирилсин.

4. Вазирлар Маҳкамасининг 2022 йил 2 августдаги «Мактабгача таълим соҳасида давлат-хусусий шериклик муносабатларини замонавий рақамли технологиялар ёрдамида содалаштириш чора-тадбирлари тўғрисида»ги 426-сон қарорида:

а) 2-иловада:

11-банд қуйидаги таҳрирда баён этилсин:

«11. Оилавий МТТга Давлат бюджети маблағлари ҳисобидан қуйидаги субсидиялар тўланади:

а) 2024 йил 1 августдан бошлаб Тошкент шаҳрида фаолият юритаётган оилавий МТТлар томонидан ёлланган тарбиячи ва тарбиячи ёрдамчиларига иш ҳақини тўлаш учун — 9 соатлик иш режимидаги давлат мактабгача таълим ташкилотларида ушбу ходимлар учун белгиланган меҳнатга ҳақ тўлаш шартлари ва миқдорларида;

б) 2024 йил 1 августдан бошлаб Қорақалпоғистон Республикаси ва ви-

лоятларнинг 1 ва 2-тоифадаги туман (шаҳар)ларида фаолият юритаётган оилавий МТТларга:

улар томонидан ёлланган тарбиячи ва тарбиячи ёрдамчиларига иш ҳақини тўлаш учун — 9 соатлик давлат мактабгача таълим ташкилотлари учун белгиланган иш ҳақининг 75 фоизи миқдориди;

уларда таълим олаётган ҳар бир болани овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлашга сарфланадиган харажатларни қоплаш учун — давлат мактабгача таълим ташкилотларида белгиланган нормативларнинг 75 фоизи миқдориди;

в) 2024 йил 1 августдан бошлаб 2025 йил 1 январга қадар 3-тоифадаги туман (шаҳар)ларда фаолият юритаётган оилавий МТТларга:

улар томонидан ёлланган тарбиячи ва тарбиячи ёрдамчиларига иш ҳақини тўлаш учун — 9 соатлик давлат мактабгача таълим ташкилотлари учун белгиланган иш ҳақининг 90 фоизи миқдориди;

уларда таълим олаётган ҳар бир болани овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлашга сарфланадиган харажатларни қоплаш учун — давлат мактабгача таълим ташкилотларида белгиланган нормативларнинг 90 фоизи миқдориди;

г) 2025 йил 1 январдан бошлаб 3-тоифадаги туман (шаҳар)ларда фаолият юритаётган оилавий МТТларга:

улар томонидан ёлланган тарбиячи ва тарбиячи ёрдамчиларига иш ҳақини тўлаш учун — 9 соатлик давлат мактабгача таълим ташкилотлари учун белгиланган иш ҳақининг 85 фоизи миқдориди;

уларда таълим олаётган ҳар бир болани овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлашга сарфланадиган харажатларни қоплаш учун — давлат мактабгача таълим ташкилотларида белгиланган нормативларнинг 85 фоизи миқдориди;

д) 4 ва 5-тоифадаги туман (шаҳар)ларда фаолият юритаётган оилавий МТТларга:

улар томонидан ёлланган тарбиячи ва тарбиячи ёрдамчиларига иш ҳақини тўлаш учун — 9 соатлик давлат мактабгача таълим ташкилотлари учун белгиланган меҳнатга ҳақ тўлаш шартлари ва миқдорларида;

уларда таълим олаётган ҳар бир болани овқатлантириш, юмшоқ жиҳозлар (матраслар, ёстиқлар, кўрпалар, чойшаблар, кўрпа ва ёстиқ жилдлари, ёпинғичлар, қоп-кўрпа) ҳамда дори-дармонлар билан таъминлашга сарфланадиган харажатларни қоплаш учун — давлат мактабгача таълим ташкилотларида белгиланган нормативлар бўйича;

е) фарзанди оилавий МТТда таълим ва тарбия олаётган боқувчисини йўқотган аёлларнинг ота-оналар бадали тўловларини қоплаш учун — тегишли ҳудуддаги 9 соатлик давлат мактабгача таълим ташкилотлари учун белгиланган ота-оналар бадали тўловлари миқдориди»;

қуйидаги мазмундаги 17<sup>1</sup>-банд билан тўлдирилсин:

«17<sup>1</sup>. Оилавий МТТларга бюджет субсидиялари муассасанинг жойлашган худудидан келиб чиқиб мазкур Низомнинг 11-бандида келтирилган тузатиш коэффициентларини қўллаган ҳолда ҳисобланади»;

б) 3-иловада:

38-банднинг тўртинчи ва еттинчи хатбошиларидаги тегишли келишикдаги «70 фоизи» сўзлари тегишли келишикдаги «35 фоизи» сўзлари билан алмаштирилсин;

55-банд қўйидаги таҳрирда баён этилсин:

«55. Оилавий МТТга Давлат бюджетидан қонунчиликда назарда тутилган шартлар ва миқдорларда субсидиялар ажратилади».

5. Вазирлар Маҳкамасининг 2024 йил 24 июндаги «Ҳамжамиятларни мустаҳкамлаш ва ижтимоий фаровонликни ривожлантириш марказини ташкил этиш тўғрисида»ги 350-сон қарорининг 7-банди қўйидаги таҳрирда баён этилсин:

«7. Марказ Тошкент шаҳри, Миробод тумани, Амир Темур шоҳ кўчаси, 17-уй манзилидаги бино ва иншоотларда, Мактабгача ва мактаб таълими вазирлиги ҳузуридаги «Ахборот ва педагогика технологиялари инновацион маркази» МЧЖ — Тошкент шаҳри, Миробод тумани, Янги Замон 3-тор кўчаси 1-уй манзилидаги бино ва иншоотларда текин фойдаланиш ҳуқуқи асосида жойлаштирилсин».

*Изоҳ: мазкур илованинг 3 ва 4-бандлари 2024 йил 1 августдан эътиборан кучга киради.*

ЎЗБЕКИСТОН РЕСПУБЛИКАСИ ПРЕЗИДЕНТИНИНГ  
ҚАРОРИ**221** **Йўллар ва йўл инфратузилмасининг яхши ҳолатда сақланишини таъминлаш ҳамда ҳудудларни ободонлаштириш бўйича амалдаги механизмларни такомиллаштириш чора-тадбирлари тўғрисида\***

Республикадаги автомобиль йўлларини яхшилаш, ички кўчаларни асфальт билан қоплаш ва замонавий пиёдалар йўлакчаларини барпо этиш борасида тизимли ишлар амалга оширилиб, бу мақсадлар учун биргина 2023 йилда 15 триллион 295 миллиард сўм, жумладан «Ташаббусли бюджет» лойиҳаси бўйича 1 триллион 271 миллиард сўм ажратилган.

Шу билан бирга, йўлларнинг яхши ҳолатда сақланишини таъминлаш ва назорат қилиш бўйича самарали механизмлар йўлга қўйилмаганлиги жойларда асфальт қопламаси ва тротуарларни назоратсиз бузиш ҳамда аввалги кўринишини тикламасдан ташлаб кетиш ҳолатлари кўпайишига шароит яратмоқда.

Умумий мулк ҳисобланган йўллар ва йўл инфратузилмасини асраб-авайлаш, шаҳарлар ва бошқа аҳоли пунктларига замонавий қиёфа бахш этиш, шунингдек, бу борада фуқаролар ва юридик шахсларнинг масъулиятини ошириш мақсадида:

1. Ўзбекистон Республикасида маҳаллалар, кўча ва йўллар, қишлоқ, туман ва шаҳарларни озода ҳолатда сақлаш, улардаги мавжуд инфратузилмани асраб-авайлаш, ҳудудларни кўкаламзорлаштириш ишларига давлат органлари ва ташкилотлари билан бир қаторда ҳар бир фуқаро ва ташкилот бирдек масъул эканлиги алоҳида таъкидлаб ўтилсин.

2. Ички ишлар вазирлиги, Транспорт вазирлиги ва Ўзбекистон маҳаллалари уюшмасининг амалдаги қонунчиликни белгиланган тартибда такомиллаштириш орқали 2024 йил 1 сентябрдан бошлаб қуйидаги тартибни жорий этиш ҳақидаги таклифига розилик берилсин:

жисмоний шахслар ва мулкчилик шаклидан қатъи назар ҳар қандай юридик шахс томонидан йўллар, тротуарлар ва бошқа йўл инфратузилмаси объектларида (кейинги ўринларда — йўл объекти) қурилиш ишларини олиб бориш, йўл объектини ҳар қандай кўринишда таъмирлаш, бузиш, қазिश, ўзгартириш ёки реконструкция қилиш (кейинги ўринларда — қурилиш ва таъмирлаш ишлари) фақатгина тегишли рухсатнома олингандан сўнг амалга оширилади;

рухсатномани расмийлаштириш ва бериш бўйича давлат хизматлари давлат хизматлари марказлари ҳамда Ягона интерактив давлат хизматлари портали орқали 5 кун муддатда кўрсатилади;

рухсатнома йўл объектини балансида сақловчи вилоят ёки туман (шаҳар) ҳокимликлари ёхуд бошқа ташкилотлар томонидан, коммуникация тармоқларидаги авария билан боғлиқ ёки бошқа кечиктириб бўлмайдиган ҳолатларда эса туман (шаҳар) ҳокимлиги томонидан берилади;

\* Ушбу қарор «Қонунчилик маълумотлари миллий базаси»да 2024 йил 3 июлда эълон қилинган.

рухсатномада йўл объектида қурилиш ва таъмирлаш ишларини амалга ошириш ҳуқуқи берилган шахс, қурилиш ва таъмирлаш ишларини амалга оширишнинг мақсади ва муддати, рухсатноманинг ҳақиқийлигини текшириш имконини берувчи QR-код, шунингдек, ушбу муддат ичида йўл объектининг аввалги ҳолатини тикламаслик тегишли маъмурий ва фуқаровий жавобгарликка сабаб бўлиши ҳақида огоҳлантириш кўрсатилади;

йўл объектида қурилиш ва таъмирлаш ишларини амалга ошириш вақтида рухсатнома ҳамма учун кўринадиган жойга илиб қўйилиши ёки ҳар қандай шахснинг биринчи талабига кўра тақдим этилиши шарт ҳисобланади;

қурилиш ва таъмирлаш ишлари амалга оширилаётган жойда хавфсизлик чораларини кўриш масъулияти рухсатнома берилган шахс зиммасига юкланади;

рухсатнома олмасдан туриб йўл объектида қурилиш ва таъмирлаш ишларини амалга ошириш, қурилиш ва таъмирлаш ишлари майдонида белгиланган тартибда рухсатномани илиб қўймаслик ёки тақдим этмаслик, қурилиш ва таъмирлаш ишлари амалга оширилаётган жойда хавфсизлик чораларини кўрмаслик, шунингдек, қурилиш ва таъмирлаш ишлари яқунлангандан сўнг йўл объектининг аввалги ҳолатини тиклаш бўйича мажбуриятни бажармаслик қонунчиликка мувофиқ жавобгарликка сабаб бўлади.

3. Вазирлар Маҳкамаси бир ой муддатда:

а) йўл объектида қурилиш ва таъмирлаш ишларини амалга оширишга рухсатнома бериш тартибини тасдиқлаш бўйича Ҳукумат қарорини қабул қилсин;

б) қўйидагиларни назарда тутувчи қонун лойиҳаларини белгиланган тартибда Олий Мажлис Қонунчилик палатасига киритсин:

рухсатнома олмасдан туриб йўл объектида қурилиш ва таъмирлаш ишларини амалга ошириш, қурилиш майдонида белгиланган тартибда рухсатномани илиб қўймаслик ёки тақдим этмаслик, қурилиш ва таъмирлаш ишлари амалга оширилаётган жойда хавфсизлик чораларини кўрмаслик, шунингдек, қурилиш ва таъмирлаш ишлари яқунлангандан сўнг йўл объектининг аввалги ҳолатини тиклаш бўйича мажбуриятни бажармаслик учун маъмурий жавобгарлик белгилашни;

Ўзбекистон Республикасининг «Лицензиялаш, рухсат бериш ва хабардор қилиш тартиб-таомиллари тўғрисида»ги Қонунига тегишли ўзгартиришлар киритишни.

4. Адлия вазирлиги мазкур қарорда назарда тутилган қоидалар қонунчиликда белгиланган тартибда жорий этилганидан сўнг, йўл объектида қурилиш ва таъмирлаш ишларини амалга ошириш учун рухсатнома «Лицензия» ахборот тизимида берилиши билан боғлиқ тегишли чора-тадбирлар кўрилишини таъминласин.

5. Белгилансинки:

йўл объектида қурилиш ва таъмирлаш ишлари амалга оширилганидан сўнг унинг аввалги кўринишини тикламаслик ҳолати юзасидан рухсатнома берган ташкилот ёки ҳудудий профилактика инспектори рухсатномада назарда тутилган қурилиш ишларини амалга ошириш муддати тугаган кундан

эътиборан 10 кунлик муддатда айбдор шахсларни жавобгарликка тортиш ва етказилган моддий зарарни ундириш бўйича зарур чораларни кўриши шарт;

йўл объектига етказилган моддий зарар миқдори йўл объектини балансида сақловчи маҳаллий ҳокимликлар ёхуд бошқа ташкилотлар томонидан қонунчиликда белгиланган тартибда аниқланади;

рухсатнома олмасдан туриб йўл объектида қурилиш ва таъмирлаш ишларини амалга оширганлик ёки йўл объектнинг аввалги ҳолатини тиклаш бўйича мажбуриятни бажармаслик ҳолати бўйича тегишли далилларни тақдим қилган ҳолда ҳуқуқбузарлик аниқланишига фаол ёрдам берган шахсларга ундирилган жариманинг 50 фоизи миқдоридан мукофот пули берилади.

6. Ўзбекистон Республикасининг Уй-жой кодекси ва Шаҳарсозлик кодекси, шунингдек, амалдаги бошқа қонунчилик ҳужжатларига мувофиқ бино ва иншоотларнинг мулкдорлари ёки фойдаланувчилари ўзларига бириктирилган ер участкаси ва унга туташ ҳудудларда ободонлаштириш ишлари учун масъул эканлиги маълумот учун қабул қилинсин.

7. Ҳудудлар қиёфасини яхшилаш мақсадида эксперимент тариқасида 2024 йил 1 сентябрдан 2025 йил 1 сентябрга қадар Қорақалпоғистон Республикаси Вазирлар Кенгаши Раиси ва вилоятлар ҳокимлари белгилаб берадиган муайян ҳудудда қуйидагиларни назарда тутувчи чора-тадбирлар амалга оширилсин:

фуқаролар ва юридик шахсларнинг уларга тегишли бино ва иншоотга туташ ҳудудларни ободонлаштириш борасидаги масъулияти оммавий ахборот воситалари, ижтимоий тармоқлар орқали ҳар бир маҳаллада маҳалла раислари томонидан тушунтирилишини ташкил қилиш;

кўп қаватли уйлар ҳовлиси ва атрофи, йўл ҳамда кўча четларининг ободонлаштирилган намунавий кўринишини тасдиқлаш;

йўл ва кўча четларидаги бўш ерларни кўкаламзорлаштириш бўйича дастур тасдиқлаш.

Қорақалпоғистон Республикаси Вазирлар Кенгаши Раиси ва вилоятлар ҳокимлари мазкур бандда назарда тутилган чора-тадбирлар ўз вақтида ва самарали ташкил этилишини таъминласин.

Экология, атроф-муҳитни муҳофаза қилиш ва иқлим ўзгариши вазирлиги Қурилиш ва уй-жой коммунал хўжалиги вазирлиги ва бошқа манфаатдор вазирлик ва идоралар билан биргаликда 2025 йил 1 ноябрга қадар жойларда амалга оширилган чора-тадбирлар натижаларидан келиб чиқиб, ҳудудларни ободонлаштириш ишларини самарали ташкил этиш юзасидан асослантилган таклифларни Ўзбекистон Республикаси Президенти Администрациясига киритсин.

8. Экология, атроф-муҳитни муҳофаза қилиш ва иқлим ўзгариши вазирлиги Ички ишлар вазирлиги билан биргаликда ободонлаштириш қоидаларининг амалиётда самарали ишлашини таъминлашга қаратилган, хусусан фуқаролар ва юридик шахслар томонидан ободонлаштириш борасидаги мажбуриятлар бажарилмаганлиги учун жавобгарликни аниқ белгилашни назарда тутувчи қонун лойиҳасини Вазирлар Маҳкамасига киритсин.

9. Қорақалпоғистон Республикаси Вазирлар Кенгаши Раиси, вилоятлар,



Тошкент шаҳри ва туман (шаҳар) ҳокимлари бошчилигида ҳудудий ички ишлар органлари ва бошқа мутасадди идоралар раҳбарлари иштирокида ишчи гуруҳлар тузилиб, улар зиммасига йўллар ва кўчаларга ўзбошимчалик билан тўсиқ ўрнатиш ҳолатларини тўлиқ хатловдан ўтказиш ва бартараф этиш ҳамда айбдор шахсларга нисбатан қонунчиликда белгиланган тартибда жавобгарлик масаласини ҳал этиш бўйича зарур чоралар кўриш вазифаси юклансин.

Вазирлар Маҳкамаси 2024 йил 1 сентябрга қадар мазкур бандда назарда тутилган вазифалар ижроси юзасидан Ўзбекистон Республикаси Президенти Администрациясига батафсил ахборот киритсин.

10. Ички ишлар вазирлиги манфаатдор вазирлик ва идоралар билан бир-галикда икки ой муддатда қонунчилик ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

11. Мазкур қарор ижросини самарали ташкил қилишга масъул ва шахсий жавобгар этиб Қорақалпоғистон Республикаси Вазирлар Кенгаши Раиси, вилоятлар ва Тошкент шаҳри ҳокимлари белгилансин.

Қарор ижросини назорат қилиш Ўзбекистон Республикаси Бош вазири А.Н. Арипов зиммасига юклансин.

**Ўзбекистон Республикаси**  
**Президенти**

**Ш. МИРЗИЁЕВ**

Тошкент ш.,  
2024 йил 1 июль,  
ПҚ–241-сон

## УЧИНЧИ БЎЛИМ

### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

## **222** Қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг бир қисмини қоплаш тартиби тўғрисидаги низомни тасдиқлаш ҳақида\*

Ўзбекистон Республикаси Президентининг «Ўзбекистон — 2030» стратегиясини 2023 йилда сифатли ва ўз вақтида амалга ошириш чора-тадбирлари тўғрисида» 2023 йил 11 сентябрдаги ПҚ–300-сон қарори ижросини таъминлаш, шунингдек, қишлоқ хўжалиги маҳсулотларини етиштирувчи субъектларни давлат томонидан қўллаб-қувватлаш механизмларини янада такомиллаштириш, соҳада суғурта хизматларини фаол жорий этиш ва ривожлантириш мақсадида Вазирлар Маҳкамаси **қарор қилади:**

1. Қуйидагиларни назарда тутувчи Қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг бир қисмини қоплаш тартиби тўғрисидаги низом иловага мувофиқ тасдиқлансин:

қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг бир қисмини қоплаш учун субсидия (кейинги ўринларда — субсидия) ажратиш бўйича талаб этиладиган ҳужжатлар ҳамда уларни кўриб чиқиш тартиби;

субсидия ажратиш тўғрисидаги хулосани қабул қилиш ва субсидия ажратиш тартиби;

суғурта шартномаси муддатидан аввал бекор қилинганда, шунингдек, суғурта ходисаси содир бўлмаганда ва (ёки) суғурта товони тўланмаган бўлса, суғурта шартномаси бўйича қоплаб берилган суғурта мукофотининг фойдаланилмаган даврига мутаносиб қисмини қайтариш тартиби.

2. Ўзбекистон суғурта бозорининг профессионал иштирокчилари уюшмаси суғурта компаниялари билан биргаликда қишлоқ хўжалиги экинлари ҳосилини суғурталашда табиий ва иқлим шароитларини ҳисобга олган ҳолда ҳудудлар учун алоҳида хавф-хатарларни ҳамда табақалашган суғурта тарифларини жорий этсин.

3. Ўзбекистон Республикаси Истикболли лойиҳалар миллий агентлиги бир ой муддатда:

қишлоқ хўжалиги экинлари ҳосилини суғурталашда аджастер, актуар ва сюрвейер хизматларини тузилган шартномаларга мувофиқ ташкил этсин ҳамда уларнинг фаолиятини сертификатлаш, реестрини юритиш ва

\* Ушбу қарор «Қонунчилик маълумотлари миллий базаси»да 2024 йил 3 июлда эълон қилинган.

назорат қилишни назарда тутувчи чора-тадбирлар режасини ишлаб чиқсин;

Гидрометеорология хизмати агентлиги билан биргаликда иқлим ўзгаришига оид табиий офатлар билан боғлиқ маълумотларни доимий шакллантирган ҳолда, суғурта компаниялари фойдаланиши учун уларнинг электрон платформаларга интеграция қилинишини таъминласин.

4. Ўзбекистон Республикаси Қишлоқ хўжалиги вазирлиги ва Истикбол-ли лойиҳалар миллий агентлиги:

қишлоқ хўжалиги экинлари ҳосилини суғурталаш соҳасидаги мутахас-сисларни тайёрлаш, ўқитиш ва уларнинг малакасини ошириш тизимини йўл-га қўйсин;

суғурта компаниялари билан биргаликда қишлоқ хўжалиги экинларини етиштиришда билим ва кўникмаларга эга тажрибали агрономларни қишлоқ хўжалиги экинлари ҳосилини суғурталаш жараёнларига жалб қилиш чора-ларини кўрсин.

5. Белгилансинки:

2024 йилда ушбу субсидиялар 2024 йил учун Ўзбекистон Республика-си Давлат бюджети параметрларида қишлоқ хўжалиги маҳсулотлари ишлаб чиқарувчиларининг ҳосилини суғурталаш харажатларининг 50 фоизини қоп-лашга субсидиялар учун назарда тутилган маблағлар доирасида берилади;

Ўзбекистон Республикаси Иқтисодиёт ва молия вазирлиги 2025 йилдан бошлаб ҳар йили Қишлоқ хўжалиги вазирлигининг ҳисоб-китобларига асо-сан қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг 50 фоизини қоплаш учун зарур маблағларни Ўзбекистон Республикаси Давлат бюджети параметрларида назарда тутиб боради.

6. Мазкур қарорнинг бажарилишини назорат қилиш Ўзбекистон Респуб-ликаси Бош вазирининг ўринбосарлари Ж.А. Қўчқоров ва Ж.А. Ходжаев зиммасига юклансин.

**Ўзбекистон Республикасининг  
Бош вазири**

**А. АРИПОВ**

Тошкент ш.,  
2024 йил 2 июль,  
373-сон

Вазирлар Маҳкамасининг  
2024 йил 2 июлдаги 373-сон қарорига  
ИЛОВА

**Қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг бир қисмини қоплаш тартиби тўғрисида  
НИЗОМ**

**1-боб. Умумий қоидалар**

1. Ушбу Низом қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг 50 фоизини, бироқ суғурта суммасининг 4 фоизидан кўп бўлмаган қисмини қоплаш тартибини белгилайди.

Ушбу Низом бевосита қишлоқ хўжалиги экинларини етиштирувчи фермер хўжаликлари, деҳқон хўжаликлари, масъулияти чекланган жамиятлар ва бошқа қишлоқ хўжалиги субъектларига нисбатан татбиқ этилади.

2. Ушбу Низомда қуйидаги асосий тушунчалардан фойдаланилади:

**«Агроплатформа» ахборот тизими** (кейинги ўринларда — «Агроплатформа» АТ) — Қишлоқ хўжалиги вазирлигининг «Рақамли қишлоқ хўжалиги» ягона интеграцион платформаси таркибига кирувчи ҳамда қишлоқ хўжалиги маҳсулотларини етиштирувчиларга шаффофлик тамойилида хизмат кўрсатиш имкониятларини таъминлаб берадиган ахборот тизими;

**«Agrosubsidiya» ахборот тизими** (кейинги ўринларда — «Agrosubsidiya» АТ) — қишлоқ хўжалиги ишлаб чиқарувчиларига қишлоқ хўжалиги экинларини етиштириш учун имтиёзли кредитлар ва субсидиялар ажратиш юзасидан материалларни тўплаш, кўриб чиқиш ҳамда ваколатли органлар ва ташкилотлар билан келишиш ҳамда имтиёзли кредитлар ва субсидиялар ажратиш бўйича хизматлар кўрсатиш имконини берувчи ахборот тизими;

**«СторАгро» ахборот тизими** (кейинги ўринларда — «СторАгро» АТ) — қишлоқ хўжалиги ерларидан фойдаланувчиларнинг таклифларини қабул қилиш, қишлоқ хўжалиги экинларини электрон жойлаштириш, келишиш, маълумот ва ҳисоботларни шакллантириш учун фойдаланиладиган ахборот тизими;

**субсидия** — қишлоқ хўжалиги субъектларига қишлоқ хўжалиги экинлари ҳосилини суғурталашда суғурта шартномасида белгиланган суғурта мукофоти учун тўлов харажатлари ўрнини қисман қоплаш учун бериладиган маблағ;

**суғурта** — муайян ҳодиса юз берганда қишлоқ хўжалиги экинлари ва уларнинг ҳосилига етказилган зарарнинг ўрнини қоплаш, товонлар ва бошқа тўловлар тўлаш учун мақсадли пул жамғармаларини ташкил этиш ҳамда улардан фойдаланиш билан боғлиқ бўлган, қишлоқ хўжалиги субъектларининг манфаатларини ҳимоя қилишга доир муносабатлар;

**суғурта мукофоти** — суғурта қилдирувчи томонидан суғурта шартно-

масида белгиланган тартибда ва муддатларда суғурталовчи ташкилотга тўла-ниши шарт бўлган суғурта тўлови;

**суғурта суммаси** — суғурталовчи ташкилот билан суғурта қилдирувчининг ўзаро келишувига асосан белгиланадиган пул маблағлари миқдори бўлиб, суғурталовчи ташкилот суғурта ҳодисаси юз берганда суғурта шартномасига мувофиқ суғурта қилдирувчига суғурта товонини ундан ошмаган миқдорда тўлаш мажбуриятини олади;

**суғурталовчи ташкилот** — суғурта қилиш учун лицензияга эга бўлган ва суғурта шартномасига мувофиқ суғурта товони тўловини амалга ошириш мажбуриятини олувчи юридик шахс бўлган ташкилот;

**суғурта қилдирувчи** — суғурталовчи ташкилот билан суғурта шартномасини тузган, суғурта шартномасида келишилган суғурта мукофотини тўловчи ва суғурталовчи ташкилот билан аниқ суғурта муносабатларига кирувчи юридик шахс мақомига эга бўлган қишлоқ хўжалиги субъектлари;

**суғурта ҳодисалари** — суғурта шартномасида кўрсатилган (қишлоқ хўжалиги экинларига ва уларнинг ҳосилига зарар етказувчи ҳамда нобуд қилувчи кучли ёмғир (жала), дўл, сув тошқини, довул, ҳаво ҳароратининг кескин пасайиши (совиб кетиши, музлаши) ёки кўтарилиши (жазирама иссиқ, гармсел), касаллик ва зараркунандаларнинг кескин кўпайиб кетиши) ва уларнинг содир бўлиши билан суғурталовчи ташкилот томонидан суғурта товони тўловини амалга ошириш мажбуриятини келтириб чиқарадиган табиат ҳодисалари;

**суғурта шартномаси** — суғурталовчи ташкилот ва суғурта қилдирувчи ўртасида ёзма ёки электрон шаклда тузиладиган битим бўлиб, бунда суғурта қилдирувчи унга мувофиқ суғурта мукофотини (суғурта тўловини) суғурта шартномасида белгиланган тартибда, муддатларда ва ҳажмда тўлаш ҳамда суғурта шартномасида ёки қонунчиликда назарда тутилган бошқа мажбуриятларни бажариш, суғурталовчи ташкилот эса суғурта шартномасида кўрсатилган муайян ҳодисалар (суғурта ҳодисалари) юз берганда, суғурта қилдирувчига суғурта товонини тўлаш мажбуриятини ўз зиммасига олади.

Бунда суғурта шартномаси Ўзбекистон Республикасининг Фуқаролик кодекси ва «Суғурта фаолияти тўғрисида»ги Қонуни ҳамда ушбу Низом билан белгиланган шартларга мос келиши лозим;

**қишлоқ хўжалиги субъектлари** — юридик шахс мақомига эга бўлган қишлоқ хўжалиги субъектлари, жумладан, фермер хўжаликлари, деҳқон хўжаликлари, масъулияти чекланган жамиятлар ва бошқа субъектлар;

**қишлоқ хўжалиги экинлари** — гўза, бошоқли дон, сабзавот, картошка, полиз, дуккакли ва мойли экинлар, боғлар (мевали ва резавор мевали), узумзорлар, кўчатлар;

**ҳосил** — қишлоқ хўжалиги субъектлари томонидан етиштириладиган қишлоқ хўжалиги экинларидан олинадиган маҳсулот (хомашё).

3. Қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг 50 фоизини, бироқ суғурта суммасининг 4 фоизидан кўп бўлмаган қисмини қоплаш учун Ўзбекистон Республикаси Давлат бюджетидан субсидиялар ажратилади.

Бунда субсидия учун талаб этиладиган маблағлар Қишлоқ хўжалиги вазирлигининг буюртманомасига асосан Иқтисодиёт ва молия вазирлиги томонидан ҳар йили «Ўзбекистон Республикаси Давлат бюджети тўғрисида»ги Қонунда назарда тутилади.

Ўзбекистон Республикаси Давлат бюджетидан субсидия учун ажратилган маблағлар ҳисоби Иқтисодиёт ва молия вазирлигининг ахборот тизимида Қишлоқ хўжалиги вазирлиги учун очилган шахсий газна ҳисобварағида юритилади.

4. Қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг бир қисми ушбу Низомга иловага\* мувофиқ схема бўйича қопланади.

### **2-боб. Қишлоқ хўжалиги экинлари ҳосилини суғурталашда суғурта мукофоти учун тўлов харажатининг 50 фоизини қоплаб бериш бўйича мурожаат қилиш тартиби**

5. Суғурта қилдирувчи қишлоқ хўжалиги экинлари ҳосилини суғурталашда суғурта мукофотининг 50 фоизини, бироқ суғурта суммасининг 4 фоизидан кўп бўлмаган қисмини қоплаш учун субсидия олиш мақсадида Вазирлар Маҳкамасининг 2023 йил 3 августдаги 330-сон қарори билан тасдиқланган «Агроплатформа» ахборот тизимидан фойдаланишни ташкил этиш тартиби тўғрисидаги низомга мувофиқ «Агроплатформа» АТ имкониятларидан фойдаланган ҳолда рўйхатдан ўтади.

Суғурта қилиш назарда тутилган суғурта қилдирувчининг қишлоқ хўжалиги экинлари «СгорАгро» АТга электрон жойлаштирилган бўлиши лозим.

6. Суғурта қилдирувчи суғурта ташкилотига суғурта мукофотини тўлиқ тўлагандан кейин Қишлоқ хўжалиги вазирлигига суғурта мукофоти учун тўлов харажатларининг субсидия ҳисобидан қоплаб бериладиган қисмини олиш учун «Agrosubsidiya» АТ орқали қуйидаги ҳужжатларни илова қилган ҳолда ариза билан мурожаат қилади:

суғурта шартномаси;

суғурта полиси;

суғурта шартномасида қайд этилган суғурта мукофотининг тўлиқ тўланганлигини тасдиқловчи тўлов топшириқномаси ва ҳисоб-фактура.

Суғурта қилдирувчи аризадаги маълумотлар ва илова қилинган ҳужжатларнинг ҳаққонийлиги учун қонунчилик ҳужжатларида белгиланган тартибда жавобгар ҳисобланади.

Суғурта қилдирувчидан ушбу бандда назарда тутилмаган бошқа ҳужжатларни талаб қилишга йўл қўйилмайди.

### **3-боб. Суғурта мукофоти учун тўлов харажатининг 50 фоизини қоплаб бериш бўйича мурожаатни кўриб чиқиш ва субсидия ажратиш тартиби**

7. Қишлоқ хўжалиги вазирлиги уч иш куни ичида:

\* Илова «Қонунчилик маълумотлари миллий базаси»да эълон қилинган.

суғурта қилдирувчининг аризасини ва унга илова қилинган ҳужжатларни ўрганиб чиқади;

ўрганиш натижаларига кўра «Agrosubsidiya» АТ орқали суғурта қилдирувчига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг 50 фоизини, бироқ суғурта суммасининг 4 фоизидан кўп бўлмаган қисмини қоплаш учун субсидия ажратиш мақсадга мувофиқлиги ёки мақсадга мувофиқ эмаслиги юзасидан хулосани тайёрлайди ва электрон имзо билан тасдиқлайди.

8. Суғурта қилдирувчи қишлоқ хўжалиги экинлари ҳосилини суғурталашда суғурта мукофоти учун тўлов харажатларининг 50 фоизини, бироқ суғурта суммасининг 4 фоизидан кўп бўлмаган қисмини қоплаш учун субсидия ажратишни рад этиш учун қуйидагилар асос бўлади:

суғурта қилдирувчининг ўз аризасига асосан;

ушбу Низомнинг 6-бандида назарда тутилган ҳужжатлар тўлиқ тақдим этилмаганда;

суғурта қилдирувчи томонидан сохта ҳужжатлар, нотўғри ёки ёлғон маълумотлар тақдим этилганда;

қишлоқ хўжалиги субъекти тугатилганда.

Ушбу бандда кўрсатилмаган бошқа асослар билан суғурта қилдирувчига субсидия ажратишни рад этишга йўл қўйилмайди.

Қишлоқ хўжалиги вазирлиги суғурта қилдирувчига субсидия ажратишни рад этган тақдирда, суғурта қилдирувчини бир кун муддатда «Agrosubsidiya» АТ орқали рад этишнинг аниқ сабабларини кўрсатган ҳолда хабардор қилади.

Субсидия ажратиш рад этилган суғурта қилдирувчи Қишлоқ хўжалиги вазирлигининг хулосасида кўрсатилган рад этиш сабабларини бартараф этган ҳолда қайта мурожаат қилиши мумкин.

Суғурта қилдирувчи Қишлоқ хўжалиги вазирлигининг субсидия ажратишни рад этиш тўғрисидаги хулосасидан норози бўлганда, белгиланган тартибда юқори турувчи ташкилотга ёки судга шикоят қилиш ҳуқуқига эга.

9. Қишлоқ хўжалиги вазирлиги субсидия ажратиш мақсадга мувофиқлиги тўғрисидаги хулоса қабул қилингандан сўнг беш иш куни ичида қишлоқ хўжалиги экинлари ҳосилини суғурталашда суғурта мукофотининг 50 фоизини, бироқ суғурта суммасининг 4 фоизидан кўп бўлмаган қисмини қоплаш учун субсидияни [subsidiya.mf.uz](http://subsidiya.mf.uz) электрон тизими орқали суғурта қилдирувчининг тижорат банкидаги ҳисобварағига ўтказиб беради.

10. Қишлоқ хўжалиги вазирлиги ҳар чорак якуни билан суғурта шартномасини тугаганлиги ёки муддатидан аввал бекор қилинганлигини мониторинг қилиб бориш мақсадида суғурталовчи ташкилот ва суғурта қилдирувчидан суғурта шартномасига оид ҳужжатларни ва маълумотларни талаб қилишга ҳақли.

11. Ўтказилган мониторинг натижаларига кўра суғурта шартномаси муддатидан аввал бекор қилинганлиги аниқланганда, шунингдек, суғурта ҳодисаси содир бўлмаганда ва (ёки) суғурта товони тўланмаган бўлса, Қишлоқ хўжалиги вазирлиги суғурта шартномаси бўйича қоплаб берилган суғурта мукофотининг фойдаланилмаган даврига мутаносиб қисмини (суғурта агенти

воситачилигида тузилган суғурта шартномалар бўйича воситачилик ҳақи чегирилмайди) қайтариш ҳақида суғурта қилдирувчига огоҳлантириш хатини юборади.

12. Суғурта қилдирувчи огоҳлантириш хатини олган кундан эътиборан бир ой ичида ажратилган субсидияни Иқтисодиёт ва молия вазирлигининг ахборот тизимида Қишлоқ хўжалиги вазирлиги учун очилган шахсий ғазна ҳисобварағи қайтаради.

Агар суғурта қилдирувчи ихтиёрий равишда субсидияни огоҳлантириш хатида кўрсатилган муддатда ва миқдорда қайтармаса ёки қайтаришни рад этса, Қишлоқ хўжалиги вазирлиги субсидияни суд тартибида ундириш чораларини кўради.

13. Суғурта қилдирувчи томонидан қайтарилган ёки суд тартибида ундирилган маблағлар Қишлоқ хўжалиги вазирлигининг шахсий ғазна ҳисобварағига келиб тушган кунда тўлиқ Ўзбекистон Республикасининг республика бюджетига қайтарилади.

#### **4-боб. Яқунловчи қоидалар**

14. Қишлоқ хўжалиги экинлари ҳосилини суғурталашда суғурта мукофоти учун тўлов харажатларининг бир қисмини қоплаш мақсадида ажратилган субсидиялар миқдори ҳамда суғурта қилдирувчилар тўғрисидаги маълумотлар ҳар ойда Қишлоқ хўжалиги вазирлигининг очик маълумотлар порталида эълон қилиб борилади.

15. Субсидия беришда юзага келадиган келишмовчиликлар томонлар ўртасида музокаралар ўтказиш орқали ҳал этилади.

Бунда тарафлар ўртасида келишмовчиликлар музокаралар ўтказиш орқали ҳал этилмаган тақдирда, низолар суд тартибида ҳал қилинади.

16. Қишлоқ хўжалиги субъектларига қишлоқ хўжалиги экинлари ҳосилини суғурталашда суғурта мукофоти учун тўлов харажатларининг бир қисмини қоплаш мақсадида ажратилган маблағлардан мақсадли фойдаланиш Давлат молиявий назорати инспекцияси томонидан назорат қилинади.

17. Мазкур Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.



**БЕШИНЧИ БЎЛИМ****ЎЗБЕКИСТОН РЕСПУБЛИКАСИ  
ДАВЛАТ ХАВФСИЗЛИК ХИЗМАТИ  
ЎЗБЕКИСТОН РЕСПУБЛИКАСИ  
СОҒЛИҚНИ САҚЛАШ ВАЗИРЛИГИНИНГ  
ҚАРОРИ**

**223** Ўзбекистон Республикаси Давлат хавфсизлик хизмати «Темурбеклар мактаби» ва «Ёш чегарачилар» ҳарбий-академик лицейларига ўқишга кираётган фуқаролар ҳамда таҳсил олаётган ўқувчиларни тиббий кўрикдан ўтказиш тартиби тўғрисидаги низомни тасдиқлаш ҳақида\*

*Ўзбекистон Республикаси Адлия вазирлиги томонидан 2024 йил  
1 июлда рўйхатдан ўтказилди, рўйхат рақами 3524*

Ўзбекистон Республикаси Вазирлар Маҳкамасининг 2021 йил 11 августдаги 508-сон «Темурбеклар мактаби» ҳарбий-академик лицейларига ўқишга кираётган (таҳсил олаётган) номзодларни (ўқувчиларни) тиббий кўрикдан ўтказиш тартиби тўғрисидаги низомни тасдиқлаш ҳақида»ги қарорига мувофиқ Ўзбекистон Республикаси Давлат хавфсизлик хизмати ва Соғлиқни сақлаш вазирлиги **қарор қилади:**

1. Ўзбекистон Республикаси Давлат хавфсизлик хизмати «Темурбеклар мактаби» ва «Ёш чегарачилар» ҳарбий-академик лицейларига ўқишга кираётган фуқаролар ҳамда таҳсил олаётган ўқувчиларни тиббий кўрикдан ўтказиш тартиби тўғрисидаги низом иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга киради.

**Давлат хавфсизлик  
хизмати раиси**

**А. АЗИЗОВ**

Тошкент ш.,  
2024 йил 20 июнь,  
12-сон

**Соғлиқни сақлаш вазири**

**А. ХУДАЯРОВ**

Тошкент ш.,  
2024 йил 19 июнь,  
7-сон

\* Ушбу қарор «Қонунчилик маълумотлари миллий базаси»да 2024 йил 1 июлда эълон қилинган.

Ўзбекистон Республикаси  
Давлат хавфсизлик хизмати 2024 йил  
20 июндаги 12 ва Соғлиқни сақлаш  
вазирлигининг 2024 йил 19 июндаги  
7-сон қарорига  
ИЛОВА

**Ўзбекистон Республикаси Давлат хавфсизлик хизмати  
«Темурбеклар мактаби» ва «Ёш чегарачилар» ҳарбий-академик  
лицейларига ўқишга кираётган фуқаролар ҳамда таҳсил олаётган  
ўқувчиларни тиббий кўрикдан ўтказиш тартиби тўғрисидаги  
НИЗОМ**

Мазкур Низом Ўзбекистон Республикаси Давлат хавфсизлик хизмати «Темурбеклар мактаби» ва «Ёш чегарачилар» ҳарбий-академик лицейларига (бундан буён матнда лицейлар деб юритилади) ўқишга кираётган фуқаролар (бундан буён матнда номзодлар деб юритилади) ва таҳсил олаётган ўқувчиларни (бундан буён матнда ўқувчилар деб юритилади) тиббий кўрикдан ўтказиш тартибини белгилайди.

**1-боб. Умумий қоидалар**

1. Тиббий кўрикдан ўтказиш номзод ва ўқувчиларнинг соғлигининг ҳолатига кўра лицейга ўқишга кириш ёки таҳсил олишга яроқлилигини аниқлаш мақсадида амалга оширилади.

2. Тиббий кўрикдан ўтказиш:

**номзодларнинг тиббий кўриги** — Қорақалпоғистон Республикаси, вилоят (шаҳар) соғлиқни сақлаш бошқармаси бошлиғи билан келишилган ҳолда, Ўзбекистон Республикаси Давлат хавфсизлик хизмати (бундан буён матнда ДХХ деб юритилади) бошқармаси (органи) раҳбари томонидан тасдиқланган ҳарбий-тиббий комиссия (бундан буён матнда ХТК деб юритилади);

**ўқувчиларнинг тиббий кўриги** — ДХХ тасарруфидаги ХТК томонидан амалга оширилади.

3. Номзод ва ўқувчиларни тиббий кўрикдан ўтказувчи ХТК таркибига Қорақалпоғистон Республикаси, Тошкент шаҳар ва вилоятлар ўсмирлар ва чақирилувчи ёшларга тиббий ёрдам кўрсатиш муассасалари (бўлимлари) шифокор-мутахассислари (жарроҳ, терапевт, дерматовенеролог, стоматолог, офтальмолог, оториноларинголог, психиатр ва невропатолог) жалб қилинади.

Ўқувчиларни тиббий кўрикдан ўтказувчи ХТК таркибини шакллантиришда Тошкент шаҳар соғлиқни сақлаш бош бошқармаси ва Сурхондарё вилояти соғлиқни сақлаш бошқармасидан тегишли бош мутахассислар жалб этилиши мумкин.

ДХХ бошқармаси (органи) масъул ходимлари ХТК раиси ва котиби ҳисобланади.

**2-боб. ХТКнинг асосий вазифалари**

4. ХТКнинг асосий вазифалари қуйидагилардан иборат:

номзодлар ва ўқувчиларни тиббий кўрикдан ўтказиш;

руҳий-асаб, тери-таносил касалликлари ва наркологик диспансерлари, фтизиатрия ва пульмонология (силга қарши диспансерлар) ҳамда ОИТСга қарши кураш марказлари, шунингдек Санитария-эпидемиологик осойишталик ва жамоат саломатлиги қўмитасининг ҳудудий бошқармаларида ҳисобда туриши ёки турмаслиги тўғрисида олинган маълумотномаларнинг мавжудлигини текшириш;

номзодлар ва ўқувчиларни қўшимча текширув ва даволашга йўналтириш, қўшимча текширув ва даволашдан сўнг уларнинг ХТКга келишларини назоратга олиш;

соғлигининг ҳолатига кўра номзодларни лицейларга ўқишга киришга, ўқувчиларни лицейларда ўқишга яроқлилиги ёки яроқсизлиги тўғрисида хулосалар қабул қилиш;

тиббий ва эксперт ҳужжатларни сифатли расмийлаштириш;

номзодлар ва ўқувчиларни тиббий кўрикдан ўтказиш натижалари бўйича ҳисобот тайёрлаш ва ушбу ҳисоботни ДХХ марказий ҳарбий-тиббий комиссиясига (бундан буён матнда МХТК деб юритилади) тақдим этиш.

6. ХТКга услубий ҳамда амалий ёрдам кўрсатиш Ўзбекистон Республикаси Соғлиқни сақлаш вазирлигининг Ўсмирлар ва чақирилувчи ёшларга тиббий ёрдамни ташкил этиш маркази ҳузуридаги республика муқобил тиббий комиссияси (бундан буён матнда РМТК деб юритилади) ва МХТКга юкланади.

**3-боб. Тиббий кўрикдан ўтказишни ташкил этиш ва амалга ошириш**

7. Номзод ва ўқувчиларни тиббий кўрикдан ўтказишда мазкур Низомнинг 1-иловасида келтирилган мажбурий диагностик текширувлар рўйхатига мувофиқ таҳлилий (лаборатория) ва тиббий ускуналар ёрдамида ўтказиладиган текширувлар, зарурат туғилганда эса тиббий кўрсатмаларга кўра бошқа тиббий текширувлар ДХХ тасарруфидаги ҳарбий-тиббий муассасаларда бепул амалга оширилади.

Мазкур мажбурий диагностик текширувларни ДХХ тасарруфидаги ҳарбий-тиббий муассасаларда амалга оширишнинг иложи бўлмаган ҳолларда, ушбу текширувлар ХТК раиси томонидан берилган йўлланмага асосан давлат соғлиқни сақлаш тизимидаги даволаш-профилактика муассасаларида амалга оширилади.

8. Тиббий кўрикдан ўтаётган номзодлар ёки ўқувчилар томонидан уларнинг соғлиғи тўғрисидаги маълумотлар акс эттирилган, шунингдек диспансер кузатувига оид турли тиббий ҳужжатларнинг тақдим этилиши уларни тиббий кўрикдан ўтказилишидан озод этмайди.

9. Тиббий кўрикдан ўтказиш вақтида ХТК томонидан номзод ва ўқув-

чиларнинг яроқлилиқ даражасини аниқлаш мақсадида мазкур Низомнинг 2-иловасида\* келтирилган тиббий кўриқдан ўтказиш бўйича кўрсатмалар, мазкур Низомнинг 3-иловасида\* келтирилган касалликлар, жисмоний нуқсонлар жадвали ва айрим моддаларга бериладиган шарҳлар (бундан буён матнда касалликлар жадвали деб юритилади), мазкур Низомнинг 4-иловасида\* келтирилган номзод ва ўқувчилар соғлиғи ва жисмоний ривожланишининг ҳолатига нисбатан қўйиладиган қўшимча талаблар рўйхати ҳамда мазкур Низомнинг 5-иловасида\* келтирилган бўй ва тана вазни нисбатидан (меъёردа ва озикланиш бузилишида) фойдаланган ҳолда ёзма хулоса қабул қилинади.

10. Сиртдан тиббий кўриқдан ўтказиш тақиқланади.

11. ҲТК хулосалари маслаҳатлашилган ҳолда, ҲТК аъзоларининг кўпчилиқ овози билан қабул қилинади.

Номзод ёки ўқувчини тиббий кўриқдан ўтказиш жараёнида аниқланган касалликлар, жароҳатлар ва жисмоний нуқсонлар натижасидаги аъзолар фаолиятининг бузилиши даражасини аниқлаш учун тор доирадаги шифокор-мутахассислар кўригидан ўтказишга зарурат туғилганда, улар ҲТК томонидан РМТКга юборилади.

12. ҲТК томонидан чиқарилган хулоса, агар хулосада бошқа муддат белгиланган бўлмаса, тиббий кўриқдан ўтказиш санасидан бошлаб олти ой мобайнида ҳақиқий ҳисобланади.

13. Номзод ёки ўқувчининг ўзи ёхуд унинг қонуний вакили ҲТК томонидан чиқарилган хулосадан норози бўлган ҳолларда МҲТКга ёхуд белгиланган тартибда судга шикоят қилишлари мумкин.

Бунда, ҲТК томонидан берилган хулосаларни МҲТК қайта кўриб чиқади.

#### **4-боб. Номзодларни тиббий кўриқдан ўтказиш**

14. Номзодларни тиббий кўриқдан ўтказиш ДХХ тасарруфидаги ҳарбий-тиббий муассасаларда қуйидаги босқич ва муддатларда амалга оширилади:

дастлабки — жорий йилнинг ноябрь ойида;

яқуний — кейинги йилнинг май ойида.

15. Номзодларни тиббий кўриққа йўллашда ДХХ органи ва бўлинмаси шахсий таркиб билан ишлаш ходимлари томонидан ҲТКга қуйидагилар тақдим этилади:

а) руҳий-асаб, тери-таносил касалликлари ва наркологик диспансерлари, фтизиатрия ва пульмонология (силга қарши диспансерлар) ҳамда ОИТСга қарши кураш марказлари, шунингдек Санитария-эпидемиологик осойишталик ва жамоат саломатлиги қўмитасининг ҳудудий бошқармаларидан, номзоднинг ушбу муассасаларда ҳисобда туриш ёки турмаслиги тўғрисида маълумотномалар;

б) даволаш-профилактика муассасаларидан — амбулатор беморнинг тиббий карталари ва уларга илова қилинган варақларни (025-1у-шакли), ка-

\* 2 — 5-иловалар «Қонунчилик маълумотлари миллий базаси»да эълон қилинган.

саллик тарихидан кўчирмалар, диспансер ва шифокор кузатуви ҳақидаги маълумотлар, шифокорларнинг хулосалари, номзоднинг охириги профилактик эмлашлар ҳақидаги варақасидан кўчирма (профилактик эмлашлар режасига асосан), шунингдек қон гуруҳи ва резус мансублиги (фактори) ҳақидаги маълумотлари ҳамда номзодларнинг соғлиғини тавсифловчи бошқа тиббий ҳужжатлар;

в) номзод таҳсил олган умумий ўрта таълим ташкилот синф раҳбари томонидан бериладиган тавсифнома;

г) номзоднинг фамилияси, исми, отасининг исми, туғилган йили ва оғи, тиббий кўриқдан ўтказиш мақсади кўрсатилган, мазкур Низомнинг 6-илоvasида\* келтирилган тиббий кўриқдан ўтказиш учун йўлланма.

16. Номзодларни тиббий кўриқдан ўтказишдан олдин давлат соғлиқни сақлаш тизими тасарруфидаги даволаш-профилактика муассасалари томонидан уларда оғиз бўшлиғи санацияси амалга оширилади.

17. Бўйи 165 сантиметрдан паст бўлган номзод тиббий кўриққа қўйилмайди.

Тиббий кўриқдан ўтказиш учун тақдим этилган йўлланмада номзоднинг бўйи кўрсатилиб, ХТК раиси имзоси ҳамда муҳри билан тасдиқланган ҳолда, тиббий кўриққа йўллаган ДХХ органи ва бўлинмаси шахсий таркиб билан ишлаш ходимларига қайтарилади.

Номзодлар сони тиббий кўриқдан ўтказиш жараёнида бир иш куни мобайнида 50 нафардан ошмаслиги лозим.

Номзодлар ХТК шифокор-мутахассислари томонидан мазкур Низомнинг 2-илоvasида келтирилган тиббий кўриқдан ўтказиш бўйича кўрсатмаларга мувофиқ тиббий текширувлардан ўтказилади.

Тиббий текширув натижалари мазкур Низомнинг 7-илоvasида\* келтирилган Ўзбекистон Республикаси Давлат хавфсизлик хизмати «Темурбеклар мактаби» ва «Ёш чегарачилар» ҳарбий-академик лицейига ўқишга кираётган номзодларни тиббий кўриқдан ўтказиш варақасига киритилади.

18. Номзоднинг яроқлилик тоифасини аниқлашда шифокор-мутахассислар бир тўхтамага кела олмаган ҳолларда, амбулатор ёки стационар равишда тиббий текширув ўтказиш учун ХТК раиси томонидан берилган йўлланмага асосан давлат соғлиқни сақлаш тизимидаги даволаш-профилактика муассасасига юборилади.

Йўлланмада дастлабки ташхис ва тиббий текширувда айнан нимага аниқлик киритилиши лозимлиги кўрсатилади.

Давлат соғлиқни сақлаш тизимидаги даволаш-профилактика муассасасида ўтказилган текширув натижалари мазкур Низомнинг 8-илоvasида\* келтирилган соғлиқ ҳолатини текшириш далолатномасига киритилади.

Далолатнома даволаш-профилактика муассасаси бош шифокори ва тиббий текширув ўтказган шифокор-мутахассис томонидан имзоланади ҳамда унга даволаш-профилактика муассасининг гербли муҳри қўйилади.

ХТК тақдим қилинган тиббий текширув натижаларини кўриб чиқади, номзоднинг соғлиғи, жисмоний ривожланиш ҳолати ва бошқа барча маълумотларни

\* 6 — 8-иловалар «Қонунчилик маълумотлари миллий базаси»да эълон қилинган.

мотларни инobatга олган ҳолда унинг ўқишга киришга яроқлилиқ масаласини ҳал қилади.

19. Номзодларни тиббий кўриқдан ўтказиш натижаларига кўра ХТК томонидан қўйидаги хулосалардан бири қабул қилинади:

номзод «Темурбеклар мактаби» ёки «Ёш чегарачилар» ҳарбий-академик лицейига ўқишга киришга яроқли;

номзод «Темурбеклар мактаби» ёки «Ёш чегарачилар» ҳарбий-академик лицейига ўқишга киришга яроқсиз.

20. ДХХ бўлинма ёки органлари номзодларнинг йиғмажилдлари ва тиббий текширувдан ўтказишга оид барча ҳужжатларини лицейга юборади.

### **5-боб. Ўқувчиларни тиббий кўриқдан ўтказиш**

21. Ўқувчилар тиббий кўриқдан ўтказилиши учун лицей директори томонидан мазкур Низомнинг 6-иловасида келтирилган тиббий кўриқдан ўтказиш учун йўлланмага мувофиқ ХТКга юборилади.

22. Тиббий кўриқдан ўтказишга йўлланаётган ўқувчининг қўйидаги ҳужжатлари ХТКга тақдим этилади:

йўлланма;

тиббий тавсифнома;

амбулатор беморнинг тиббий варақаси (картаси).

23. Ўқувчи қўйидаги ҳолатларда тиббий кўриқдан ўтказилади:

ўқиш мобайнида олинган ёки ўқишга кириш вақтида аниқланмаган, лицейда ўқишга монелиқ қиладиган касаллиқ ёки шикастланиш (жароҳат) ёки унинг асоратлари аниқланганда;

икки ой ва ундан ортиқ муддатда саломатлигига кўра ўқиш жараёнида қатнашмаган ҳолларда.

24. ХТК ўқувчини тиббий кўриқдан ўтказишда унинг барча тиббиётга оид ҳужжатларини ўрганиб чиқади ва ўқувчини лицейда таҳсил олишга яроқли ёки яроқсизлиги тўғрисида хулоса қабул қилади.

ХТК ташхисга аниқлиқ киритиш мақсадида ўқувчиларни қўшимча тиббий текширувлардан ўтиши учун давлат соғлиқни сақлаш тизимидаги худудий даволаш-профилактика муассасаларига юбориши мумкин. Бунда, ушбу муассасалар томонидан ўтказилган қўшимча тиббий текширувлар натижалари мазкур Низомнинг 8-иловасида келтирилган соғлиқ ҳолатини текшириш далолатномасида кўрсатилади.

25. Тиббий кўриқ якунига кўра ХТК қўйидаги хулосалардан бирини қабул қилади:

ўқувчи «Темурбеклар мактаби» ёки «Ёш чегарачилар» ҳарбий-академик лицейида таҳсил олишга яроқли;

ўқувчи «Темурбеклар мактаби» ёки «Ёш чегарачилар» ҳарбий-академик лицейида таҳсил олишга вақтинча яроқсиз, кейинги тиббий кўриқдан ўтказиш шарти билан стационар (амбулатор) равишда даволанишга муҳтож;

ўқувчи «Темурбеклар мактаби» ёки «Ёш чегарачилар» ҳарбий-академик лицейида таҳсил олишга яроқсиз.

26. ХТК томонидан ўқувчининг таҳсил олишга вақтинча яроқсизлиги

тўғрисида хулоса чиқарилганда, ўқувчи лицейнинг тиббиёт пунктида амбулатор равишда ёки давлат соғлиқни сақлаш тизимидаги даволаш-профилактика муассасасида даволанади.

Ўқувчининг стационар ёки амбулатор равишда даволаниш муддати туганидан сўнг уни вақтинча таҳсил олишга яроқсиз деб топган ХТКда такрорий тиббий кўриқдан ўтказилади.

27. Касалликлар жадвалига мувофиқ ўқувчининг таҳсил олишига тўсқинлик қиладиган касалликлар ёки шикастланиш (жароҳат) оқибатлари мавжуд бўлганда текширув натижалари ХТК томонидан мазкур Низомнинг 9-илоvasида\* келтирилган Ўзбекистон Республикаси Давлат хавфсизлик хизмати «Темурбеклар мактаби» ва «Ёш чегарачилар» ҳарбий-академик лицейи ўқувчиларини тиббий кўриқдан ўтказиш варақасига киритилади, шунингдек мазкур Низомнинг 10-илоvasида\* келтирилган касаллик тўғрисидаги гувоҳнома тўрт нусхада расмийлаштирилади ва МХТК га тасдиқлаш учун юборилади.

МХТК томонидан тасдиқланган касаллик тўғрисидаги гувоҳноманинг уч нусхаси уни тузган ХТКга қайтарилади (биринчи нусхаси лицей учун, иккинчи нусхаси ўқувчига бериш учун, учинчи нусхаси ХТК учун) ва тўртинчи нусхаси МХТКда қолади.

28. ХТК томонидан такрорий тиббий кўриқдан ўтказилаётган ўқувчи касалликлар жадвалига мувофиқ лицейда таҳсил олишга яроқли деб топилса, текширув натижалари мазкур Низомнинг 9-илоvasида келтирилган Ўзбекистон Республикаси Давлат хавфсизлик хизмати «Темурбеклар мактаби» ва «Ёш чегарачилар» ҳарбий-академик лицейи ўқувчиларини тиббий кўриқдан ўтказиш варақасига киритилади, шунингдек унга мазкур Низомнинг 11-илоvasида\* келтирилган маълумотнома расмийлаштирилади. Маълумотнома МХТК томонидан тасдиқлангандан кейин лицейнинг юридик манзилига юборилади.

29. Ўқувчиларни соғлиғининг ҳолати ёки бошқа сабабларга кўра ХТК томонидан тиббий кўриқдан ўтказишнинг имкони бўлмаса, тиббий кўриқдан ўтказиш МХТК раиси томонидан белгиланади.

### **6-боб. Тиббий кўриқдан ўтказиш ҳужжатларини расмийлаштириш**

30. Тиббий кўриқдан ўтаётган номзод ва ўқувчилар тўғрисидаги маълумотлар, уларнинг саломатлик ҳолати, ХТК ҳамда РМТКнинг хулосалари қуйидаги тиббий ҳужжатларда қайд этилади:

а) номзодларга:

мазкур Низомнинг 7-илоvasида келтирилган Ўзбекистон Республикаси Давлат хавфсизлик хизмати «Темурбеклар мактаби» ва «Ёш чегарачилар» ҳарбий-академик лицейига ўқишга кираётган номзодларни тиббий кўриқдан ўтказиш варақасида;

мазкур Низомнинг 8-илоvasида келтирилган соғлиқ ҳолатини текшириш далолатномасида, амбулатор беморнинг тиббий картаси ва унга илова қилинадиган варақада (025-1у-шакли);

\* 9 — 11-иловалар «Қонунчилик маълумотлари миллий базаси»да эълон қилинган.

мазкур Низомнинг 11-иловасида келтирилган маълумотномада;  
мазкур Низомнинг 12-иловасида\* келтирилган ҳарбий-тиббий комиссия-  
нинг йиғилишлар баённомалари китобида;

б) ўқувчиларга:

мазкур Низомнинг 8-иловасида келтирилган соғлиқ ҳолатини текшириш  
далолатномасида, амбулатор беморнинг тиббий картаси ва унга илова қили-  
надиган варақада (025-1у-шакли);

мазкур Низомнинг 9-иловасида келтирилган Ўзбекистон Республикаси Дав-  
лат хавфсизлик хизмати «Темурбеклар мактаби» ва «Ёш чегарачилар» ҳарбий-а-  
кадемик лицейи ўқувчиларини тиббий кўриқдан ўтказиш варақасида;

мазкур Низомнинг 10-иловасида келтирилган касаллик тўғрисидаги гу-  
воҳномада;

мазкур Низомнинг 11-иловасида келтирилган маълумотномада;

мазкур Низомнинг 12-иловасида келтирилган ҳарбий-тиббий комиссия-  
нинг йиғилишлар баённомалари китобида.

31. Мазкур Низомнинг 12-иловасида келтирилган ҳарбий-тиббий ко-  
миссиянинг йиғилишлар баённомалари китоби ХТКларнинг котиблари то-  
монидан тиббий кўриқдан ўтаётган барча номзодлар ва ўқувчилар учун  
юритилади.

Йиғилиш баённомалари китобида йиғилиш ўтказилган санада ХТК йиғи-  
лишининг баённомаси ХТК раиси, йиғилишда қатнашган ХТК аъзолари (ка-  
мида икки нафар) ва ХТК котиби томонидан имзоланади.

ХТК ва РМТК хулосалари номзод ва ўқувчиларга тиббий кўриқ якунлан-  
ган вақтда тиббий кўриқдан ўтказиш варақасида имзо қўйдириб етказилади.

32. Мазкур Низомнинг 12-иловасида келтирилган ҳарбий-тиббий комис-  
сиянинг йиғилишлар баённомалари китобида тиббий кўриқдан ўтаётган ном-  
зодлар ва ўқувчиларнинг туғилганлиги тўғрисидаги гувоҳномаси (биометрик  
паспорти, идентификация ID-картаси) маълумотлари, шикоятлари, касаллик-  
нинг анамнези, объектив текширув натижалари, тўлиқ ҳолда ташхиси ҳамда  
ХТК ва РМТК хулосаси қайд этилади.

Ушбу китобнинг «Шикоятлар ва касаллик анамнези» устунида касаллик  
тарихининг тартиб рақами ва стационар шароитда даволанишда бўлган даври  
кўрсатилади.

33. ХТК шифокор-мутахассислари кўриги натижалари ва хулосалари ам-  
булатор беморнинг тиббий варақасига, мазкур Низомнинг 7-иловасида келти-  
рилган Ўзбекистон Республикаси Давлат хавфсизлик хизмати «Темурбеклар  
мактаби» ва «Ёш чегарачилар» ҳарбий-академик лицейига ўқишга кираётган  
номзодларни тиббий кўриқдан ўтказиш варақасига ёзиб қўйилади ва шифо-  
кор-мутахассисларнинг шахсий муҳри билан тасдиқланади. Сўнг ХТК раи-  
си ва котиби томонидан имзоланиб, ХТК муҳри билан тасдиқланади. Зару-  
рат туғилганда мазкур Низомнинг 11-иловасида келтирилган маълумотнома  
расмийлаштирилади.

34. ХТК томонидан номзодларни лицейга ўқишга киришга, ўқувчиларни  
тахсил олишга яроқли деб топилган тақдирда, мазкур Низомнинг 12-илова-

\* 12-илова «Қонунчилик маълумотлари миллий базаси»да эълон қилинган.



сида келтирилган ҳарбий-тиббий комиссиянинг йиғилиш баённомалари китобига объектив маълумотларни қайд этмаган ҳолда «соғлом» деб ёзилади.

Номзодларни ўқишга киришга, ўқувчиларни таҳсил олишга яроқлилигини чекламайдиган баъзи касалликлар ёки жисмоний нуқсонлар аниқланса, мазкур Низомнинг 12-илоvasида келтирилган ҳарбий-тиббий комиссиянинг йиғилиш баённомалари китобида уларга қисқача таъриф бериш ва ташхисни кўрсатишга рухсат этилади.

35. ҲТКлар номзодларни лицейга ўқишга киришга яроқсиз деб топганда, мазкур Низомнинг 12-илоvasида келтирилган ҳарбий-тиббий комиссиянинг йиғилиш баённомалари китобига қисқа ёзувлар (номзодларнинг туғилганлик тўғрисидаги гувоҳномаси (биометрик паспорти, идентификация ID-картаси) маълумотлари, ташхис, ҲТК хулосаси) киритилади.

36. ҲТК томонидан ўқувчига мазкур Низомнинг 10-илоvasида келтирилган касаллик тўғрисидаги гувоҳнома расмийлаштирилганда, мазкур Низомнинг 12-илоvasида келтирилган ҳарбий-тиббий комиссиянинг йиғилишлар баённомалари китобида қисқа ёзувларни (ўқувчининг туғилганлик тўғрисидаги гувоҳнома (биометрик паспорт, ID-картаси) маълумотлари, ташхис, ҲТК хулосаси) киритилади.

Бунда, мазкур Низомнинг 10-илоvasида келтирилган касаллик тўғрисидаги гувоҳноманинг бир нусхасини мазкур Низомнинг 12-илоvasида келтирилган ҳарбий-тиббий комиссиянинг йиғилиш баённомалари китобида илова сифатида сақланиши лозим.

37. Номзодлар ёки ўқувчилар такрорий тиббий кўрикдан ўтказилганда, мазкур Низомнинг 12-илоvasида келтирилган ҳарбий-тиббий комиссиянинг йиғилишлар баённомалари китобида МҲТК томонидан чиқарилган хулоса, унинг баённомаси рақами ва санаси ёзиб қўйилади.

38. Номзодлар ва ўқувчиларга расмийлаштирилган, мазкур Низомнинг 11-илоvasида келтирилган маълумотнома ҳамда ўқувчиларга расмийлаштирилган мазкур Низомнинг 10-илоvasида келтирилган касаллик тўғрисидаги гувоҳнома тасдиқлаш учун МҲТКга тақдим қилинади.

Мазкур маълумотнома ва касаллик тўғрисидаги гувоҳнома МҲТК томонидан тасдиқлангандан сўнг юридик кучга эга бўлади.

39. ҲТКда юритиладиган ҳарбий-тиббий комиссиянинг йиғилиш баённомалари китоби уч йил, ҲТКнинг ҳужжатлари беш йил давомида сақланади.

Сақлаш муддати тугагандан сўнг юқорида келтирилган ҳужжатлар белгиланган тартибда йўқ қилинади.

### **7-боб. Яқуний қоида**

40. Мазкур Низом талабларини бузилишида айбдор бўлган шахслар қонунчилик ҳужжатларига мувофиқ жавоб беради.

Ўзбекистон Республикаси Давлат хавфсизлик  
хизмати «Темурбеклар мактаби» ва «Ёш  
чегарачилар» ҳарбий-академик лицейларига  
ўқишга кираётган фуқаролар ҳамда таҳсил  
олаётган ўқувчиларни тиббий кўрикдан ўтказиш  
тартиби тўғрисидаги низомга  
1-ИЛОВА

### **Мажбурий диагностик текширувлар РЎЙХАТИ**

1. Умумий қон таҳлили — кенгайтирилган.
2. Умумий пешоб таҳлили.
3. Гижжа тухумлари ва содда организмларни аниқловчи нажас таҳлили
4. «В» ва «С» гепатитларнинг (HBsAg, HCV) маркерларини аниқловчи қон таҳлили.
5. Қоннинг RW (Вассерман реакцияси) таҳлили.
6. Қоннинг ОИВ билан зарарланиши тўғрисида таҳлили (ОИТСга қарши кураш марказларидан).
7. Қоннинг АЛТ, АСТ, умумий оқсил ва билирубин (фракциялари билан) таҳлили.
8. Электрокардиография (кардиолог ёки шифокор-функционал текширувлар ўтказадиган мутахассиснинг ёзув хулосаси билан).
9. Фиброэзофагогастродуоденоскопия.
10. Ички аъзолар ультратовуш текшируви.
11. Кўкрак қафаси аъзоларининг флюорографияси (текширилувчининг фамилияси, исми, отасининг исми ҳамда текширувнинг тартиб рақами ва ўтказилган сана кўрсатилади).
12. Руҳий-асаб, силга қарши, тери-таносил касалликлари ва наркологик диспансерлар, шунингдек ОИТСга қарши кураш марказларидан маълумотномалар.

*Изоҳ: Таҳлилий текширувлар, кўкрак қафаси аъзоларининг флюорографияси, фиброэзофагогастродуоденоскопия ва ички аъзолар ультратовуш текшируви муддати уч ойдан ошмаслиги лозим.*

О‘ЗБЕКИСТОН RESPUBLIKASI  
VAZIRLAR MAHKAMASI HUZURIDAGI SOLIQ QO‘MITASINING  
QARORI

**224** Yuridik shaxslarni yirik soliq to‘lovchilar toifasiga kiritishning mezonlarini belgilash to‘g‘risidagi nizomga o‘zgartirish va qo‘shimchalar kiritish haqida\*

*O‘zbekiston Respublikasi Adliya vazirligi tomonidan 2024-yil  
1-iyulda ro‘yxatdan o‘tkazildi, ro‘yxat raqami 3172-3*

O‘zbekiston Respublikasining Soliq kodeksi va O‘zbekiston Respublikasi Prezidentining 2023-yil 29-dekabrda PQ–422-son “O‘zbekiston Respublikasining “2024-yil uchun O‘zbekiston Respublikasining Davlat budjeti to‘g‘risida”gi Qonuni ijrosini ta‘minlash chora-tadbirlari to‘g‘risida”gi qaroriga muvofiq O‘zbekiston Respublikasi Vazirlar Mahkamasi huzuridagi Soliq qo‘mitasi **qaror qiladi:**

1. O‘zbekiston Respublikasi Davlat soliq qo‘mitasining 2019-yil 8-iyulda 2019-45-son qarori (ro‘yxat raqami 3172, 2019-yil 12-iyul) (O‘zbekiston Respublikasi qonun hujjatlari to‘plami, 2019-y., 28-son, 514-modda) bilan tasdiqlangan Yuridik shaxslarni yirik soliq to‘lovchilar toifasiga kiritishning mezonlarini belgilash to‘g‘risidagi nizomga ilovaga muvofiq o‘zgartirish va qo‘shimchalar kiritilsin.

2. Mazkur qaror O‘zbekiston Respublikasi Iqtisodiyot va moliya vazirligi hamda Savdo-sanoat palatasi bilan kelishilgan.

3. Mazkur qaror rasmiy e‘lon qilingan kundan e‘tiboran kuchga kiradi.

**Rais**

Toshkent sh.,  
2024-yil 26-iyun,  
2024-08-son

**Sh. KUDBIYEV**

*Kelishildi:*

**Iqtisodiyot va moliya vaziri**

*2024-yil 20-iyun*

**D. KUChKAROV**

**O‘zbekiston Savdo-sanoat  
palatasi raisi**

*2024-yil 20-iyun*

**D. VAXABOV**

\* Ushbu qaror «Qonunchilik ma‘lumotlari milliy bazasi»da 2024-yil 2-iyulda e‘lon qilingan.

O'zbekiston Respublikasi  
Vazirlar Mahkamasi huzuridagi Soliq  
qo'mitasining 2024-yil 26-iyundagi  
2024-08-son qaroriga  
ILOVA

**Yuridik shaxslarni yirik soliq to'lovchilar toifasiga kiritishning  
mezonlarini belgilash to'g'risidagi nizomga kiritilayotgan  
o'zgartirish va qo'shimchalar**

1. Muqaddimadan “O'zbekiston Respublikasining Soliq kodeksi hamda O'zbekiston Respublikasi Vazirlar Mahkamasining 2019-yil 17-apreldagi 320-son “Davlat soliq xizmati organlari faoliyatini yanada takomillashtirish chora-tadbirlari to'g'risida”gi qaroriga muvofiq” degan so'zlar chiqarib tashlansin.

2. 4-bandda:

“a” kichik band “xizmat ko'rsatuvchi korxonalar” degan so'zlardan keyin “bundan alkogol va pivo mahsulotlari ishlab chiqaruvchi korxonalar mustasno” degan so'zlar bilan to'ldirilsin;

“b” kichik band quyidagi tahrirda bayon etilsin:

“b) tijorat banklari, sug'urta tashkilotlari, tovar-xomashyo, fond va valyuta birjalari;”;

“v” kichik band quyidagi tahrirda bayon etilsin:

“v) “Navoiy kon-metallurgiya kombinati” AJ, “Olmaliq KMK” AJ, “O'zbekiston temir yo'llari” AJ hamda ularning ta'sischiligidagi tashkilotlar;”;

“d” kichik band quyidagi tahrirda bayon etilsin:

“d) mahsulot (tovar, ish va xizmat)larni sotishdan olingan sof tushumi o'tgan kalendar yil yakuni bo'yicha bazaviy hisoblash miqdorining 735 ming baravaridan yuqori bo'lgan yoki ketma-ket keladigan o'n ikki oylik davr yakuni bo'yicha ushbu miqdordan oshgan hamda xodimlar soni o'rtacha yillik 10 nafardan kam bo'lmagan yuridik shaxslar, chet el yuridik shaxslarining O'zbekiston Respublikasidagi doimiy muassasalari (bo'linmalari), bundan paxta-to'qimachilik klasterlari, to'qimachilik mahsulotlari ishlab chiqaruvchi korxonalar, alkogol mahsulotlarining ulgurji savdosi bilan shug'ullanuvchi korxonalar mustasno;”

3. 6-band “yirik soliq to'lovchilar toifasida qoladi” degan so'zlardan keyin “bundan mazkur mezonlarga o'zgartirish va qo'shimchalar kiritilgan holatlar mustasno” degan so'zlar bilan to'ldirilsin.

4. 7-bandda:

birinchi xatboshidagi “bir” va “Iqtisodiyot va moliya vazirligi” degan so'zlar tegishli ravishda “uch” va “Vazirlar Mahkamasi” degan so'zlar bilan almashtirilsin;

ikkinchi xatboshidagi “Iqtisodiyot va moliya vazirligi” degan so'zlar “Vazirlar Mahkamasi” degan so'zlar bilan almashtirilsin.

ЎЗБЕКИСТОН РЕСПУБЛИКАСИ  
ОЛИЙ ТАЪЛИМ, ФАН ВА ИННОВАЦИЯЛАР ВАЗИРЛИГИ  
ЎЗБЕКИСТОН РЕСПУБЛИКАСИ  
КАМБАҒАЛЛИКНИ ҚИСҚАРТИРИШ ВА БАНДЛИК ВАЗИРЛИГИ  
ЎЗБЕКИСТОН РЕСПУБЛИКАСИ  
ИҚТИСОДИЁТ ВА МОЛИЯ ВАЗИРЛИГИНИНГ  
ҚАРОРИ

**225** «Академик лицей, касб-хунар мактаби, коллеж ва техникумлар бошқарув, техник, хизмат кўрсатувчи ва ўқув-ёрдамчи ходимларининг намунавий штатларини тасдиқлаш тўғрисида»ги қарорга ўзгартириш ва қўшимчалар киритиш ҳақида\*

*Ўзбекистон Республикаси Адлия вазирлиги томонидан 2024 йил  
1 июлда рўйхатдан ўтказилди, рўйхат рақами 3119-3*

Ўзбекистон Республикаси Президентининг 2022 йил 21 декабрдаги ПФ-269-сон «Янги Ўзбекистон маъмурий ислохотларини амалга ошириш чора-тадбирлари тўғрисида»ги Фармони ва Ўзбекистон Республикаси Вазирлар Маҳкамасининг 2021 йил 22 февралдаги 87-сон «Ўзбекистон Республикаси Хукуматининг ўз аҳамиятини йўқотган айрим қарорларини ўз кучини йўқотган деб ҳисоблаш тўғрисида (Ўзбекистон Республикаси Президентининг «Ўз аҳамиятини йўқотган қонунчилик ҳужжатларини қайта кўриб чиқиш тизимини жорий этиш орқали мамлакатда ишбилармонлик муҳитини яхшилаш чора-тадбирлари тўғрисида» 2020 йил 27 сентябрдаги ПФ-6075-сон Фармони)»ги ҳамда 2023 йил 17 августдаги 396-сон «Автомобил транспорт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматларини кўрсатиш фаолиятини лицензиялашга оид қонунчилик такомиллаштирилиши муносабати билан Ўзбекистон Республикаси Хукуматининг айрим қарорларига ўзгартириш ва қўшимчалар киритиш тўғрисида»ги қарорларига мувофиқ Ўзбекистон Республикаси Олий таълим, фан ва инновациялар вазирлиги, Камбағалликни қисқартириш ва бандлик вазирлиги ҳамда Иқтисодиёт ва молия вазирлиги **қарор қилади:**

1. Ўзбекистон Республикаси Олий ва ўрта махсус таълим вазирлиги, Олий ва ўрта махсус таълим вазирлигининг Касб-хунар таълими маркази, Бандлик ва меҳнат муносабатлари вазирлиги, Молия вазирлигининг 2018 йил 29 декабрдаги 78-қ/қ, 13/ққ, 32-қ/қ, 162-сон «Академик лицей, касб-хунар мактаби, коллеж ва техникумлар бошқарув, техник, хизмат кўрсатувчи ва ўқув-ёрдамчи ходимларининг намунавий штатларини тасдиқлаш тўғрисида»ги қарорга (рўйхат рақами 3119, 2019 йил 11 январь) (Қонун ҳужжатлари маълумотлари миллий базаси, 14.01.2019 й., 10/19/3119/2469-сон) иловага мувофиқ ўзгартириш ва қўшимчалар киритилсин.

2. Мазкур қарор Ўзбекистон Республикаси Соғлиқни сақлаш вазирлиги,

\* Ушбу қарор «Қонунчилик маълумотлари миллий базаси»да 2024 йил 3 июлда эълон қилинган.

Ўзбекистон Республикаси Вазирлар Маҳкамаси ҳузуридаги Солиқ қўмитаси ҳамда Ёшлар ишлари агентлиги билан келишилган.

3. Мазкур қарор расмий эълон қилинган кундан эътиборан кучга кирилади.

Мазкур қарорга илованинг 2-банди «в» кичик банди иккинчи ва учинчи хатбошилари ҳамда «г» кичик банди иккинчи ва учинчи хатбошилари 2024 йилнинг 1 сентябридан амалга киритилади.

**Олий таълим, фан ва  
инновациялар вазири**

**К. ШАРИПОВ**

Тошкент ш.,  
2024 йил 30 май,  
7-қ/қ-сон

**Камбағалликни қисқартириш  
ва бандлик вазири**

**Б. МУСАЕВ**

Тошкент ш.,  
2024 йил 20 май,  
7-2024/ҚҚ-сон

**Иқтисодиёт ва молия вазири**

**Д. КУЧКАРОВ**

Тошкент ш.,  
2024 йил 20 май,  
124-сон

*Келишилди:*

**Соғлиқни сақлаш вазири**

**А. ХУДАЯРОВ**

*2024 йил 16 май*

**Солиқ қўмитаси раиси**

**Ш. КУДБИЕВ**

*2024 йил 20 май*

**Ёшлар ишлари  
агентлиги директори**

**А. САЪДУЛЛАЕВ**

*2024 йил 17 май*

Ўзбекистон Республикаси  
Олий таълим, фан ва инновациялар  
вазирлигининг 2024 йил 30 майдаги 7-қ/қ-сон,  
Камбағалликни қисқартириш ва бандлик вазир-  
лигининг 2024 йил 20 майдаги 7-2024/ҚҚ-сон  
ҳамда Иқтисодиёт ва молия вазирлигининг  
2024 йил 20 майдаги 124-сон қарорига  
ИЛОВА

**«Академик лицей, касб-ҳунар мактаби, коллеж ва  
техникумлар бошқарув, техник, хизмат кўрсатувчи ва ўқув-  
ёрдамчи ходимларининг намунавий штатларини тасдиқлаш  
тўғрисида»ги қарорга киритилаётган ўзгартириш ва  
қўшимчалар**

1. Қарорда:

а) муқаддимадан «қарори, Ўзбекистон Республикаси Вазирлар Маҳкамасининг 2018 йил 25 майдаги 391-сон «Ўзбекистон Республикаси Олий ва ўрта махсус таълим вазирлигининг Касб-ҳунар таълими маркази тўғрисидаги низомни тасдиқлаш ҳақида»ги» деган сўзлар чиқариб ташлансин;

б) 2-банднинг бешинчи хатбошисидаги «Ўзбекистон Республикаси Олий ва ўрта махсус таълим вазирлиги, Бандлик ва меҳнат муносабатлари вазирлиги ҳамда Молия вазирлиги» деган сўзлар «Ўзбекистон Республикаси Олий таълим, фан ва инновациялар вазирлиги, Камбағалликни қисқартириш ва бандлик вазирлиги ҳамда Иқтисодиёт ва молия вазирлиги» деган сўзлар билан алмаштирилсин.

2. Намунавий штатларда:

а) I-бобнинг 5, 13, 15, 16 ва 42 позициялар чиқариб ташлансин;

б) II-бобнинг 5, 12, 14, 18 ва 47 позициялар чиқариб ташлансин;

в) III-бобда:

2-позициядаги «Директорнинг ўқув ва тарбиявий ишлар бўйича ўринбосари» деган сўзлар «Директорнинг ўқув ишлари бўйича ўринбосари\*\*\*\*» деган сўзлар билан алмаштирилсин;

қуйидаги мазмундаги 2<sup>1</sup>-позиция билан тўлдирилсин:

«

2 <sup>1</sup> .	Директор ўринбосари (ёшлар билан ишлаш бўйича)****	1	1	1	1	1	1	1	1
------------------	--	---	---	---	---	---	---	---	---

»;

4, 10, 16, ва 49 позициялар чиқариб ташлансин.

г) IV-бобда:

2-позициядаги «Директорнинг ўқув ва тарбиявий ишлар бўйича ўринбосари» деган сўзлар «Директорнинг ўқув ишлари бўйича ўринбосари\*\*\*\*» деган сўзлар билан алмаштирилсин;

қуйидаги мазмундаги 2<sup>1</sup>-позиция билан тўлдирилсин:

«

2 <sup>1</sup> .	Директор ўринбосари (ёшлар билан ишлаш бўйича)*****	1	1	1	1	1	1	1	1
------------------	---	---	---	---	---	---	---	---	---

»;

4, 10, 16, ва 49 позициялар чиқариб ташлансин.

д) Изоҳ қисмида:

иккинчи ва учинчи хатбошилари қуйидаги таҳрирда баён этилсин:

«\* ўқувчилар сонидан келиб чиқиб ушбу лавозим жорий қилинганда, унинг лавозим вазифалари таркибига йиллик 530 соатгача (0,5 штат бирлигида 265 соатгача) ушбу фан бўйича ўқув машғулотларини ўтказиши киритилади.

\*\* ўқувчилар сонидан келиб чиқиб ушбу лавозим жорий қилинганда, унинг лавозим вазифалари таркибига йиллик 400 соатгача (0,5 штат бирлигида 200 соатгача) ушбу фан бўйича ўқув машғулотларини ўтказиши киритилади.»;

е) Иловада:

1-бандда:

биринчи хатбоши қуйидаги таҳрирда баён этилсин:

«1. Штат жадвалини тузишда таълим муассасалари ходимларининг сони молия йилининг биринчи санаси ҳолатидаги кундузги, кечки, сиртки, масофавий ва дуал таълим шаклларида таълим олаётган ўқувчилар контингентидан келиб чиқиб, сиртки таълим ўқувчилари учун — 0,4 коэффициентни қўллаган ҳолда, академик лицей, касб-хунар мактаби, коллеж ва техникумлар бошқарув, техник, хизмат кўрсатувчи ва ўқув-ёрдамчи ходимларининг намунавий штатларига мувофиқ аниқланади ва штатлар жадвали ўқувчилар сони ўзгариши билан йилнинг 1 сентябрь ҳолатига қайта кўриб чиқилиши мумкин.»

иккинчи хатбошидаги «Олий ва ўрта махсус таълим вазирлиги (бошқа вазирлик ва идоралар тизимидаги таълим муассасалари учун), Бандлик ва меҳнат муносабатлари вазирлиги ҳамда Молия вазирлиги» деган сўзлар «Олий таълим, фан ва инновациялар вазирлиги (бошқа вазирлик ва идоралар тизимидаги таълим муассасалари учун), Камбағалликни қисқартириш ва бандлик вазирлиги ҳамда Иқтисодиёт ва молия вазирлиги» деган сўзлар билан алмаштирилсин;

3-банд ўз кучини йўқотган деб топилсин;

15-банд қуйидаги таҳрирда баён этилсин:

«15. Лифтчи лавозими бир бинода жойлашган ва фойдаланилаётган лифтлар учун 1,0 бирлик киритилади.»

21 ва 24-бандлар ўз кучини йўқотган деб топилсин;

25-банддаги «Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини лицензиялаш тартиби тўғрисидаги» деган сўзлар «Автомототранс-



порт воситалари ва шаҳар электр транспорти воситалари ҳайдовчиларини тайёрлаш ҳамда қайта тайёрлаш бўйича нодавлат таълим хизматлари кўрсатиш фаолиятини лицензиялаш тартиби тўғрисидаги» деган сўзлар билан алмаштирилсин.

ЎЗБЕКИСТОН РЕСПУБЛИКАСИ  
КАМБАҒАЛЛИКНИ ҚИСҚАРТИРИШ ВА БАНДЛИК ВАЗИРИНИНГ  
БУЙРУҒИ

**226** **Йиғма темирбетон ва бетон конструкциялар ва буюмлар ишлаб чиқариш ходимлари учун меҳнатни муҳофаза қилиш қоидаларига ўзгартириш ва қўшимчалар киритиш тўғрисида\***

*Ўзбекистон Республикаси Адлия вазирлиги томонидан 2024 йил  
3 июлда рўйхатдан ўтказилди, рўйхат рақами 1967-4*

Ўзбекистон Республикасининг Меҳнат кодекси ва Ўзбекистон Республикаси Президентининг 2023 йил 20 июндаги ПҚ–197-сон «Маъмурий ислохотлар доирасида соғлиқни сақлаш соҳасида давлат бошқарувини самарали ташкил қилиш чора-тадбирлари тўғрисида»ги қарори ҳамда Вазирлар Маҳкамасининг 2024 йил 24 февралдаги 100-сон «Қурилиш ва уй-жой коммунал хўжалиги соҳасида давлат бошқаруви тизими такомиллаштирилиши муносабати билан Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида»ги қарорига мувофиқ **бюраман:**

1. Ўзбекистон Республикаси меҳнат ва аҳолини ижтимоий муҳофаза қилиш вазирининг 2009 йил 8 майдаги 19/Б-сон буйруғи (рўйхат рақами 1967, 2009 йил 11 июнь) (Ўзбекистон Республикаси қонун ҳужжатлари тўплами, 2009 й., 24-сон, 280-модда) билан тасдиқланган Йиғма темирбетон ва бетон конструкциялар ва буюмлар ишлаб чиқариш ходимлари учун меҳнатни муҳофаза қилиш қоидаларига иловага мувофиқ ўзгартириш ва қўшимчалар киритилсин.

2. Мазкур буйруқ Ўзбекистон Республикаси Тоғ-кон саноати ва геология вазирлиги ҳамда Қурилиш ва уй-жой коммунал хўжалиги вазирлиги билан келишилган.

3. Мазкур буйруқ расмий эълон қилинган кундан эътиборан кучга киради.

**Вазир**

**Б. МУСАЕВ**

Тошкент ш.,  
2024 йил 30 май,  
8-2024/Б-сон

*Келишилди:*

**Тоғ-кон саноати ва  
геология вазир**

**Б. ИСЛАМОВ**

*2024 йил 27 май*

\* Ушбу буйруқ «Қонунчилик маълумотлари миллий базаси»да 2024 йил 4 июлда эълон қилинган.

*Қурилиш ва уй-жой коммунал  
хўжалиги вазири*

**Б. ЗАКИРОВ**

2024 йил 22 май

Ўзбекистон Республикаси  
камбағалликни қисқартириш ва бандлик вази-  
рининг 2024 йил 30 майдаги  
8-2024/Б-сон буйруғига  
ИЛОВА

**Йиғма темирбетон ва бетон конструкциялар ва буюмлар  
ишлаб чиқариш ходимлари учун меҳнатни муҳофаза қилиш  
қоидаларига киритилаётган ўзгартириш ва қўшимчалар**

1. 9-банд қуйидаги таҳрирда баён этилсин:

«9. Корхоналарда меҳнат фаолияти билан боғлиқ равишда содир бўлган бахтсиз ҳодисалар ва бошқа жароҳатланишларни текшириш ва ҳисобини юритиш Ўзбекистон Республикаси Вазирлар Маҳкамасининг 1997 йил 6 июндаги 286-сон қарори билан тасдиқланган Ишлаб чиқаришдаги бахтсиз ҳодисаларни ва ходимлар саломатлигининг меҳнат вазифаларини бажариш билан боғлиқ бошқа хил зарарланишини текшириш ва ҳисобга олиш тўғрисидаги низомга мувофиқ амалга оширилиши лозим.»

2. 13-банд «даврий» деган сўздан кейин «(меҳнат фаолияти давомида) мажбурий» деган сўзлар билан тўлдирилсин.

3. 15-банд «Ходимлар» деган сўздан кейин «мажбурий» деган сўз билан тўлдирилсин.

4. 16-банд қуйидаги таҳрирда баён этилсин:

«16. Мажбурий тиббий кўриклар корхоналарга тиббий хизматлар кўрсатувчи даволаш-профилактика муассасалари томонидан, улар бўлмаган тақдирда эса корхона жойлашган ердаги даволаш-профилактика муассасалари томонидан ўтказилади.»

5. 17-банд «қўмитаси» деган сўздан кейин «мажбурий» деган сўз билан тўлдирилсин.

6. 18-банддаги «Даврий тиббий кўриклар» деган сўзлар «Мажбурий даврий тиббий кўриклар» деган сўзлар билан алмаштирилсин.

7. 20-банд қуйидаги таҳрирда баён этилсин:

«20. Иш берувчи мажбурий тиббий кўриқдан ўтмаган ёхуд мажбурий тиббий кўриқ натижаларига кўра тиббий комиссиялар томонидан берилган тавсияларни бажаришдан бўйин товлаган шахсларни ишдан четлаштириши шарт.»

8. 51-банднинг иккинчи хатбошисидаги «ҚМҚ 2.01.05-98» деган сўзлар «ҚМҚ 2.01.05-19» деган сўзлар билан алмаштирилсин.

9. 57 ва 60-бандлардаги «ҚМҚ 2.09.04-98 «Корхоналарнинг маъмурий ва маиший бинолари» деган сўзлар «ШНК 2.09.04-09 «Ташкилотларнинг маъмурий ва маиший бинолари» деган сўзлар билан алмаштирилсин.

10. 74-банддаги «Иситиш, шамоллатиш ва кондиционерлаш» деган сўзлар «Иситиш, вентиляция ва кондициялаш» деган сўзлар билан алмаштирилсин.

11. 80-банд қуйидаги таҳрирда баён этилсин:

«80. Сув билан таъминлаш ва канализация тизими ҚМҚ 2.04.01-98 «Бинолар ички водопроводи ва канализацияси» талабига мос келиши керак.»

12. 88-банддаги «Давлат санитар назорати органлари» деган сўзлар «Ўзбекистон Республикаси Соғлиқни сақлаш вазирлиги хузуридаги Санитария-эпидемиологик осойишталик ва жамоат саломатлиги қўмитасининг ҳудудий бошқармалари ёки туман (шаҳар) бўлимлари» деган сўзлар билан алмаштирилсин.

13. 89-банд қуйидаги таҳрирда баён этилсин:

«89. Корхона майдонида, ишлаб чиқариш ва ёрдамчи бинолар ва хоналарда табиий ва сунъий ёритишлар ҚМҚ 2.01.05-19 «Табиий ва сунъий ёритиш»га мос келиши керак.»

14. 101-банддаги «ҚМҚ 2.01.05-98» деган сўзлар «ҚМҚ 2.01.05-19» деган сўзлар билан алмаштирилсин.

15. 153-банд қуйидаги таҳрирда баён этилсин:

«153. Буғ ва сув иситиш қозонларидан фойдаланиш, ўрнатиш ва таъмирлаш, шунингдек уларни синовдан ўтказиш ишлари «Саноатгеоконттехназорат» давлат инспекцияси томонидан 2018 йил 25 сентябрда 16/НТД-5-сон билан тасдиқланган Буғ ва сув иситиш қозонларини тузилиши ва улардан хавфсиз фойдаланиш қоидалари талабларига мос келиши керак.»

16. 154-банд қуйидаги таҳрирда баён этилсин:

«154. Кўчмас компрессор қурилмалари, ҳаво қувурлари ва газ қувурларини ўрнатиш, таъмирлаш ва фойдаланиш «Саноатгеоконттехназорат» давлат инспекцияси томонидан 2011 йил 3 ноябрда 239-сон билан тасдиқланган Стационар компрессор қурилмалари, ҳаво ўтказгич қувурлари ва газ қувурларининг тузилиши ҳамда улардан хавфсиз фойдаланиш қоидалари талабларига мос келиши керак.»

17. 155-банд қуйидаги таҳрирда баён этилсин:

«155. Газ хўжалигини эксплуатация этиш Ўзбекистон Республикаси Вазирлар Маҳкамасининг 2019 йил 16 мартдаги 226-сон қарори билан тасдиқланган Газ хўжалигида хавфсизлик қоидалари талабларига мос келиши керак.»

18. 156-банд қуйидаги таҳрирда баён этилсин:

«156. Юк кўтариш кранларидан фойдаланиш, ўрнатиш ва таъмирлаш, шунингдек уларни синовдан ўтказиш ишлари Ўзбекистон Республикаси Саноат хавфсизлиги давлат қўмитаси томонидан 2019 йил 20 июнда 20/ЮБ-26-сон билан тасдиқланган Юк кўтариш кранларининг тузилиши ва улардан хавфсиз фойдаланиш қоидалари талабларига мос келиши керак.»

19. 157-банд қуйидаги таҳрирда баён этилсин:

«157. Электр қурилмаларини эксплуатация этиш, жойлаштириш ва қуриш Ўзбекистон Республикаси Вазирлар Маҳкамасининг 2020 йил 11 ноябрдаги 712-сон қарори билан тасдиқланган Истеъмолчилар электр қурилмаларини техник эксплуатация қилиш қоидалари ҳамда Истеъмолчилар электр

қурилмаларини эксплуатация қилишда хавфсизлик техникаси қоидалари ва мазкур қоидалар талабларига мос келиши керак.».

20. 286-банд қўйидаги таҳрирда баён этилсин:

«286. Буғ ва иссиқ сув қувурларидан фойдаланиш, ўрнатиш ва таъмирлаш, шунингдек уларни синовдан ўтказиш ишлари «Саноатконтехназорат» давлат инспекцияси томонидан 2010 йил 6 июлда 199-сон билан тасдиқланган Буғ ва иссиқ сув қувурларининг тузилиши ва хавфсиз эксплуатация қилиш қоидалари талабларига мос келиши керак.».

21. 290-банд қўйидаги таҳрирда баён этилсин:

«290. Буғ қувурлари ва арматура тўсиқлари «Саноатконтехназорат» давлат инспекцияси томонидан 2010 йил 6 июлда 199-сон билан тасдиқланган Буғ ва иссиқ сув қувурларининг тузилиши ва хавфсиз эксплуатация қилиш қоидалари талабларига мос келиши лозим.».

22. 305-банд қўйидаги таҳрирда баён этилсин:

«305. Юк ортиш ва тушириш ишлари (юк илиш, кўтариш ва ташиш) «Саноатконтехназорат» давлат инспекцияси томонидан 2006 йил 14 февралда 32-сон билан тасдиқланган Юк ортиш ва тушириш ишларидаги юкчилар учун ишларнинг хавфсизлиги қоидалари талабларига мос келиши керак.».

O‘ZBEKISTON RESPUBLIKASI  
MARKAZIY BANKI BOSHQARUVINING  
QARORI

**227** To‘lov tizimi operatorlari va to‘lov tashkilotlari faoliyatini litsenziyalash tartibi to‘g‘risidagi nizomga o‘zgartirish va qo‘shimchalar kiritish haqida\*

*O‘zbekiston Respublikasi Adliya vazirligi tomonidan 2024-yil  
4-iyulda ro‘yxatdan o‘tkazildi, ro‘yxat raqami 3431-1*

O‘zbekiston Respublikasining “O‘zbekiston Respublikasining Markaziy banki to‘g‘risida”gi Qonuniga va O‘zbekiston Respublikasi Prezidentining 2023-yil 30-noyabrdagi PQ–381-son “Raqamli mahsulotlar (xizmatlar) iste‘molchilari huquqlarini himoya qilish va raqamli texnologiyalar vositasida sodir etiladigan huquqbuzarliklarga qarshi kurashishni kuchaytirish choralari to‘g‘risida”gi qaroriga muvofiq O‘zbekiston Respublikasi Markaziy banki boshqaruvi **qaror qiladi**:

1. O‘zbekiston Respublikasi Markaziy banki boshqaruvining 2023-yil 18-apreldagi 8/3-son qarori (ro‘yxat raqami 3431, 2023-yil 5-may) (Qonun hujjatlari ma‘lumotlari milliy bazasi, 10.05.2023-y, 10/23/3431/0265-son) bilan tasdiqlangan To‘lov tizimi operatorlari va to‘lov tashkilotlari faoliyatini litsenziyalash tartibi to‘g‘risidagi nizomga ilovaga muvofiq o‘zgartirish va qo‘shimchalar kiritilsin.

2. Mazkur qaror O‘zbekiston Respublikasi Savdo-sanoat palatasi va O‘zbekiston Respublikasi Prezidenti huzuridagi Tadbirkorlik subyektlarining huquqlari va qonuniy manfaatlarini himoya qilish bo‘yicha vakili bilan kelishilgan.

3. Mazkur qaror rasmiy e‘lon qilingan kundan e‘tiboran kuchga kiradi.

**Rais**

**M. NURMURATOV**

Toshkent sh.,  
2024-yil 19-iyun,  
21/3-son

*Kelishildi:*

*O‘zbekiston Savdo-sanoat  
palatasi raisi*

**D. VAXABOV**

*2024-yil 4-iyun*

\* Ushbu qaror «Qonunchilik ma‘lumotlari milliy bazasi»da 2024-yil 5-iyulda e‘lon qilingan.

*Tadbirkorlik subyektlarining  
huquqlari va qonuniy manfaatlarini  
himoya qilish bo'yicha vakil*

*D. KASIMOV*

*2024-yil 23-may*

O'zbekiston Respublikasi  
Markaziy banki boshqaruvining 2024-yil  
19-iyundagi 21/3-son qaroriga  
ILOVA

**To'lov tizimi operatorlari va to'lov tashkilotlari faoliyatini  
litsenziyalash tartibi to'g'risidagi nizomga kiritilayotgan  
o'zgartirish va qo'shimchalar**

1. 6-bandda:

ikkinchi xatboshidagi “muassislari (ishtirokchilari yoki aksiyadorlari) ning” degan so'zlar “muassislari (aksiyadorlari)ning” degan so'zlar bilan almashtirilsin;

to'rtinchi xatboshidagi “muassislari (ishtirokchilari yoki aksiyadorlari)” degan so'zlar “muassislari (aksiyadorlari)” degan so'zlar bilan almashtirilsin;

quyidagi mazmundagi xatboshi bilan to'ldirilsin:

“to'lov tizimi operatorlari va to'lov tashkilotlari aksiyadorlik jamiyatlari shaklida tashkil etilishi va faoliyat ko'rsatishi;”

2. 3-bobning nomidagi, 7 va 10-bandlardagi hamda 5-bobning nomidagi “muassislari (ishtirokchilari yoki aksiyadorlari)” degan so'zlar “muassislari (aksiyadorlari)” degan so'zlar bilan almashtirilsin.

3. 8-band quyidagi tahrirda bayon etilsin:

“8. Xalqaro moliya institutlari, chet el to'lov tizimi operatorlari, to'lov tashkilotlari va boshqa kredit tashkilotlari hisoblanmaydigan norezident yuridik shaxslar hamda norezident jismoniy shaxslarning to'lov tizimi operatori va to'lov tashkiloti ustav fondidagi (ustav kapitalidagi) jami ulushi ellik foizdan oshmasligi kerak.

Ushbu Nizom maqsadlarida boshqa kredit tashkilotlari deganda quyidagilar tushuniladi:

mazkur Nizomning 8<sup>1</sup>-bandida ko'rsatilgan moliyaviy faoliyat turlarini amalga oshiruvchi kompaniyalarni boshqarish maqsadida tashkil etilgan xolding kompaniyasi (boshqaruv kompaniyasi);

vakolatli davlat organining litsenziyasi (ruxsatnomasi) asosida mazkur Nizomning 8<sup>1</sup>-bandida ko'rsatilgan moliyaviy faoliyat turlaridan birini amalga oshiruvchi va joylashgan (ro'yxatga olingan) davlatida konsolidatsiyalashgan nazorat mavjud bo'lgan yuridik shaxslar.”

4. Quyidagi mazmundagi 8<sup>1</sup>-band bilan to'ldirilsin:

“8<sup>1</sup>. Mazkur Nizom maqsadlarida quyidagi faoliyat turlari moliyaviy faoliyat turlari hisoblanadi:

bank faoliyati;  
mikromoliyalash faoliyati;  
sug'urta faoliyati;  
lizing faoliyati;

ipotekani qayta moliyalash faoliyatini amalga oshirish.”.

5. 9-bandning birinchi xatboshisi quyidagi tahrirda bayon etilsin:

“9. Xalqaro moliya institutlari, chet el to'lov tizimi operatorlari, to'lov tashkilotlari va boshqa kredit tashkilotlari hisoblanuvchi norezident yuridik shaxslar O'zbekiston Respublikasida to'lov tizimi operatori yoki to'lov tashkiloti ustav fondining (ustav kapitalining) ellik foizdan ortiq ulushiga ega bo'lishi uchun ushbu tashkilotlarning ustav fondi (ustav kapitali) 20 million yevro ekvivalentidan kam bo'lmasligi kerak.”.

6. 11-bandning birinchi xatboshisidagi “muassislari (ishtirokchilari yoxud aksiyadorlari)” degan so'zlar “muassislari (aksiyadorlari)” degan so'zlar bilan almashtirilsin.

7. 13-bandda:

birinchi xatboshidagi “muassislari (ishtirokchilari yoki aksiyadorlari)” degan so'zlar “muassislari (aksiyadorlari)” degan so'zlar bilan almashtirilsin;

uchinchi — beshinchi xatboshilardagi “muassislar (ishtirokchilar yoki aksiyadorlar)” degan so'zlar “muassislar (aksiyadorlar)” degan so'zlar bilan almashtirilsin;

yettinchi xatboshidagi “muassislar (ishtirokchilar yoxud aksiyadorlar)” degan so'zlar “muassislar (aksiyadorlar)” degan so'zlar bilan almashtirilsin.

8. 14 va 15-bandlar quyidagi tahrirda bayon etilsin:

“14. To'lov tizimi operatori ustav fondining (ustav kapitalining) eng kam miqdori 50 milliard so'mni tashkil etishi lozim.”.

15. To'lov tashkiloti ustav fondining (ustav kapitalining) eng kam miqdori:

2024-yil 1-iyuldan e'tiboran 10 milliard so'mni;

2025-yil 1-iyuldan e'tiboran 20 milliard so'mni tashkil etishi lozim.”.

9. 16-bandda:

birinchi xatboshidagi “muassislari (ishtirokchilari, aksiyadorlari)” degan so'zlar “muassislari (aksiyadorlari)” degan so'zlar bilan almashtirilsin;

ikkinchi xatboshidagi “To'lov tizimi operatori va (yoki) to'lov tashkiloti” degan so'zlar “Litsenziya da'vogari” degan so'zlar bilan almashtirilsin.

10. 22-bandning to'rtinchi xatboshisi quyidagi tahrirda bayon etilsin:

“to'lov tizimining qoidalari, shu jumladan antifrod tizimining tavsifi.”.

11. 23-bandda:

ikkinchi xatboshidagi “muassislari (ishtirokchilari yoki aksiyadorlari)” degan so'zlar “muassislari (aksiyadorlari)” degan so'zlar bilan almashtirilsin;

uchinchi xatboshi chiqarib tashlansin;

to'rtinchi — o'ninchi xatboshilar tegishli ravishda uchinchi — to'qqizinchi xatboshilar deb hisoblansin.

12. 25-bandning uchinchi xatboshisi quyidagi tahrirda bayon etilsin:

“to'lov tizimining qoidalari, shu jumladan antifrod tizimining tavsifi;”.

13. 1-ilova beshinchi bandning 3-kichik bandidagi “muassislar (ishtirokchilar



yoki aksiyadorlar)” degan soʻzlar “muassislar (aksiyadorlar)” degan soʻzlar bilan almashtirilsin.

14. 2-ilovaning nomidagi “muassislari (ishtirokchilari yoki aksiyadorlari)” degan soʻzlar “muassislari (aksiyadorlari)” degan soʻzlar bilan almashtirilsin.

ЎЗБЕКИСТОН РЕСПУБЛИКАСИ  
ИҚТИСОДИЁТ ВА МОЛИЯ ВАЗИРИНИНГ  
БУЙРУҒИ

**228** Божхона кирим ордерининг шакли ва уни тўлдириш қоидаларини тасдиқлаш ҳақида\*

*Ўзбекистон Республикаси Адлия вазирлиги томонидан 2024 йил  
4 июлда рўйхатдан ўтказилди, рўйхат рақами 3525*

Ўзбекистон Республикасининг Божхона кодексига мувофиқ **буюраман:**

1. Божхона кирим ордерининг шакли ва уни тўлдириш қоидалари 1-иловага мувофиқ тасдиқлансин.

2. Айрим идоравий норматив-ҳуқуқий ҳужжатлар 2-иловага мувофиқ ўз кучини йўқотган деб топилсин.

3. Ушбу буйруқ расмий эълон қилинган кундан эътиборан уч ой ўтгач кучга киради.

**Вазир**

**Д. КУЧКАРОВ**

Тошкент ш.,  
2024 йил 22 май,  
125-сон

Ўзбекистон Республикаси  
иқтисодиёт ва молия вазирининг 2024 йил  
22 майдаги 125-сон буйруғига  
1-ИЛОВА

**Божхона кирим ордерининг шакли ва уни тўлдириш  
ҚОИДАЛАРИ**

Мазкур Қоидалар Ўзбекистон Республикасининг Божхона кодексига мувофиқ божхона кирим ордерининг шакли ва уни тўлдириш қоидаларини белгилайди.

**1-боб. Умумий қоидалар**

1. Ушбу Қоидаларда қуйидаги асосий тушунчалар қўлланилади:

**Ўзбекистон Республикаси Иқтисодиёт ва молия вазирлиги ҳузуридаги Божхона қўмитасининг** (бундан буён матнда Божхона қўмитаси деб юритилади) Божхона кирим ордери автоматлаштирилган ахборот тизими (бундан буён матнда дастур деб юритилади) — божхона кирим ордерини электрон тарзда шакллантириш ва ушбу ҳужжат асосида ундирилган божхона тўловларини ҳисобга олиш учун мўлжалланган ахборот тизими;

\* Ушбу буйруқ «Қонунчилик маълумотлари миллий базаси»да 2024 йил 5 июлда эълон қилинган.

**Божхона қўмитасининг ягона автоматлаштирилган ахборот тизими** (бундан буён матнда божхона органларининг ахборот тизими деб юритилади) — божхона чегараси орқали олиб ўтиладиган товарларнинг ва транспорт воситаларининг божхона назоратини амалга ошириш учун уларга доир ҳужжатлар ва маълумотларнинг киритилишини, ҳисобга олинишини ҳамда мониторинг қилинишини назарда тутувчи Божхона қўмитасининг автоматлаштирилган тизими;

**мобил қурилмаларни халқаро ўзига хос идентификация кодлари бўйича рўйхатга олиш тизими** (бундан буён матнда мобил қурилмаларни рўйхатга олиш тизими деб юритилади) — Ўзбекистон Республикаси Вазирлар Маҳкамасининг 2019 йил 17 сентябрдаги 778-сон қарори билан тасдиқланган Ўзбекистон Республикаси ҳудудида фойдаланилаётган, сотиш ёки шахсий фойдаланиш учун олиб кириладиган ва ишлаб чиқариладиган мобил қурилмаларни рўйхатга олиш тартиби тўғрисидаги низомда назарда тутилган мобил қурилмаларни техник идентификациялаш параметрлари тўғрисидаги маълумотларни рўйхатга олиш, йиғиш, сақлаш ва қайта ишлаш учун фойдаланиладиган ахборот тизими;

**Божхона кирим ордери** (бундан буён матнда БКО деб юритилади) — божхона тўловларини тўловчи шахс томонидан тақдим қилинган ҳужжатлар ёки божхона органларининг ахборот тизимлари ёхуд мобил қурилмаларни рўйхатга олиш тизими маълумотлари асосида божхона ходими томонидан дастурда расмийлаштириладиган электрон шаклдаги ҳужжат;

**янги БКО** — божхона тўловларини тўловчи шахс томонидан Божхона қўмитасининг расмий веб-сайти орқали электрон тарзда шакллантирилган ҳолда божхона органига тақдим этилган, бироқ божхона органи томонидан кўриб чиқилмаган БКО;

**рўйхатга олиниб, расмийлаштирилмаган БКО** — дастурда шакллантирилган БКОнинг «БКО рўйхат рақами» графасига БКО рақами ва қабул қилинган сана кўрсатилган, аммо «Божхона органининг белгиси» графасига божхона органининг тегишли белгилари қўйилмаган БКО;

**расмийлаштирилган БКО** — божхона органи томонидан рўйхатга олинган ва «Божхона органининг белгиси» графасига божхона органининг тегишли белгилари қўйилган БКО;

**қайта расмийлаштирилган БКО** — расмийлаштирилган БКОга ўзгартириш ва қўшимчалар киритилиб, юридик кучга эга ҳужжат сифатида амал қилиши тўхтатилган аввалги БКО;

**бекор қилинган БКО** — БКОни божхона органида рўйхатга олинганидан ёки расмийлаштирилганидан сўнг бекор қилиш орқали юридик кучга эга ҳужжат сифатида амал қилишини тўхтатиш.

2. БКО қуйидаги ҳолларда тўлдирилади:

нотижорат мақсадлар учун Ўзбекистон Республикасининг Давлат чегарасидан ўтиш пунктлари орқали жисмоний шахслар томонидан қўл юкида ёки кузатиб борилаётган бағажда олиб ўтилаётган товарларнинг, шунингдек халқаро почта ва курьерлик жўнатмаларида юборилаётган шундай товарларнинг қиймати ва (ёки) миқдори қонунчилик ҳужжатларида белгиланган

товарларни олиб киришнинг божхона тўловлари ундирилмайдиган чекланган меъёридан ошганда, ортиқча қисмига божхона тўлови ундирилишида;

товарлар жисмоний шахснинг манзилига келиб тушганда (халқаро почта ва курьерлик жўнатмалари бундан мустасно) божхона тўловлари олиб кириладиган товарларнинг бутун суммасидан, товарларни олиб киришнинг божхона тўловлари ундирилмайдиган чекланган меъёри қўлланилмаган ҳолда ундирилишида;

юрidik шахсларнинг манзилига халқаро почта ва халқаро курьерлик жўнатмаларида юбориладиган, қиймати базавий ҳисоблаш миқдорининг ўттиз бараваригача бўлган миқдордаги товарлар учун божхона тўловлари ундирилишида;

Ўзбекистон Республикаси Божхона кодексининг 260-моддаси «г» кичик бандида назарда тутилган ҳолларда божхона тўловлари ундирилишида;

мобил қурилмалар белгиланган меъёрдан ортиқ миқдорда олиб қилинган ҳолатларда ёки уларнинг божхона расмийлаштирувидан ўтганлиги тўғрисида ҳужжатлар тақдим этилмаган тақдирда, мобил қурилмаларни рўйхатга олиш тизими томонидан тақдим этилган маълумотларга асосан божхона тўловлари ундирилишида;

қонунчилик ҳужжатлари билан белгиланган божхона йиғимлари ва бошқа йиғимларнинг ундирилишида.

3. БКО Ўзбекистон Республикаси Божхона кодексининг 291-моддасида келтирилган хатти-ҳаракат ёки тартиб-таомилларни бажарган божхона органи томонидан расмийлаштирилади.

## **2-боб. БКОни расмийлаштиришнинг умумий шартлари**

4. Божхона ходими томонидан БКО маълумотлари божхона тўловларини тўловчи шахс (бундан буён матнда тўловчи шахс деб юритилади) тақдим қилган ҳужжатлари, божхона органларининг бошқа ахборот тизимлари ёки мобил қурилмаларни рўйхатга олиш тизимида мавжуд бўлган маълумотлар асосида шакллантирилади.

5. БКО умумий ва соддалаштирилган шаклларда тузилади.

Бир турдаги товарни декларациялашда мазкур Қоидаларнинг 1-иловасига\* мувофиқ умумий БКОнинг асосий варағидан, икки ёки ундан ортиқ турдаги товарларни декларациялашда умумий БКОнинг асосий варағидан ҳамда мазкур Қоидаларнинг 2-иловасига\* мувофиқ умумий БКОнинг қўшимча варағидан фойдаланилади.

Божхона расмийлаштируви билан боғлиқ бўлмаган божхона йиғимлари ва божхона органлари томонидан ундирилиши назарда тутилган бошқа йиғимларни ундиришда мазкур Қоидаларнинг 3-иловасига\* мувофиқ соддалаштирилган БКО шаклидан фойдаланилади.

6. Умумий БКОнинг асосий варағида битта товар тўғрисида, қўшимча варағида эса кўпи билан учта товар тўғрисида маълумотлар кўрсатилиши мумкин (бир вақтнинг ўзида асосий варақча кўпи билан 33 та қўшимча варақча илова қилиниши мумкин).

\* 1 — 3-иловалар «Қонунчилик маълумотлари миллий базаси»да эълон қилинган.

7. Божхона ходими томонидан БКО электрон тарзда рўйхатга олиниб, расмийлаштирилади ҳамда бир нусхада чоп этилиб, тўловчи шахсга топширилади (юборилади).

8. Тўловчи шахс Божхона қўмитасининг расмий веб-сайтидаги шахсий кабинет орқали БКОни электрон тарзда шакллантирган ҳолда божхона органларига тақдим этиши мумкин.

Бунда, тўловчи шахс томонидан БКОни расмийлаштириш учун божхона органларига уч иш куни ичида муурожаат қилинмаган тақдирда, янги БКО дастур томонидан автоматик тарзда қайтарилади.

9. БКО расмийлаштируви божхона органларининг ахборот тизимидаги тўловчи шахснинг шахсий ҳисобварағи бўйича божхона тўловлари тўланганлиги тўғрисидаги маълумотлар мавжуд бўлган тақдирда электрон тарзда амалга оширилади.

Бунда, БКО бўйича божхона тўловларини тўлаш дастурда шаклланди-ган божхона тўловлари ҳисобварағи асосида амалга оширилади.

10. БКО расмийлаштирилган пайтдан бошлаб юридик аҳамиятга молик фактлардан далолат берувчи ҳужжатга айланади.

### **3-боб. Умумий БКОни тўлдириш**

#### **1-§. Умумий БКОнинг асосий варағини тўлдириш**

11. Божхона ходими томонидан графаларнинг тўлдирилиши:

##### **1) 1-графа. «БКО тури».**

Графанинг биринчи бўлмасида агар тўловчи шахс:

жисмоний шахс (шу жумладан юридик шахс ташкил этмасдан тадбиркорлик фаолиятини амалга ошираётган жисмоний шахслар) бўлса — «Ж»;  
юридик шахс, шу жумладан доимий муассаса бўлса — «Ю» кўрсатилади.

Графанинг иккинчи бўлмасида:

божхона ҳудудига олиб кириляётган товарларга нисбатан — «ИМ»;

божхона ҳудудидан олиб чиқилаётган товарларга нисбатан — «ЭК»;

божхона ҳудуди орқали транзит олиб ўтиляётган товарларга нисбатан — «ТР».

Графанинг учинчи бўлмасида:

қўл юкида ёки кузатиб бориляётган багажларда олиб ўтиляётган товарларга нисбатан — «КБ»;

халқаро почта ва курьерлик жўнатмаларида юбориляётган товарларга нисбатан — «ХП»;

жисмоний шахсларнинг манзилига келиб тушган нотижорат мақсадлардаги товарларга нисбатан — «МТ»;

белгиланган меъёрдан ортиқ миқдорда олиб кирилган ёки уларнинг божхона расмийлаштирувидан ўтганлиги тўғрисида ҳужжатлар тақдим этилмаган мобил қурилмаларга нисбатан — «МҚ» кўрсатилади;

##### **2) 2-графа. «Қўшимча варақлар».**

Графанинг биринчи бўлмасида варақнинг тартиб рақами, иккинчи бўлма-

сида тақдим этилаётган БКО варақларининг умумий сони (асосий ва қўшимча варақлари йиғиндиси) кўрсатилади.

Масалан, агар БКО иккита қўшимча варақларга эга бўлса БКОнинг асосий варағида «1/3»; биринчи қўшимча варағида «2/3»; иккинчи қўшимча варағида эса «3/3» кўрсатилади. Агар БКО қўшимча варақларга эга бўлмаса «1/1» кўрсатилади;

### **3) 3-графа. «БКО рўйхат рақами».**

БКО рўйхат рақами қуйидаги бўлмаларда кўрсатилади:

а) биринчи бўлмада:

Божхона юк декларациясини тўлдириш тартиби тўғрисидаги йўриқноманинг (бундан буён матнда Йўриқнома деб юритилади) (рўйхат рақами 2773, 2016 йил 6 апрель) 4-иловасига мувофиқ БКО расмийлаштиришни амалга оширадиган боғхона постининг бешта рақамли коди;

боғхона постидан бошқа боғхона органлари томонидан БКО тўлдирилишида дастур томонидан автоматик тарзда шаклландиган тўртта рақамли код;

б) иккинчи бўлмада БКО расмийлаштирилган кун, ой, йил;

в) учинчи бўлмада дастур томонидан автоматик тарзда бериладиган тартиб рақам кўрсатилади.

Масалан, БКО:

боғхона пости томонидан расмийлаштирилганда — 27001/01.01.2024/0000001;

Боғхона қўмитаси ёки унинг ҳудудий бошқармалари масъул таркибий тузилмалари томонидан расмийлаштирилганда — 1727/01.01.2024/0000001.

### **4) 4-графа. «Тўловчи/молия ва банк маълумотлари».**

Графанинг биринчи қисмида тўловчи шахс тўғрисидаги маълумот кўрсатилади.

Агарда тўловчи жисмоний шахс бўлса, у ҳолда графада унинг фамилияси, исми, отасининг исми, доимий рўйхатдан ўтган манзили, шахсни тасдиқловчи ҳужжат ҳақидаги маълумотлар, телефон рақами (мавжуд бўлса) кўрсатилади.

Агарда тўловчи юридик шахс бўлса, унинг номи ва жойлашган жойи (юридик манзили) ва телефон рақами (мавжуд бўлса) кўрсатилади.

Графанинг иккинчи қисмида:

а) тўловчининг СТИРи/ЖШШИРи кўрсатилади.

Жисмоний шахслар учун тўловчининг ЖШШИРи кўрсатилади. Агар тўловчи чет эл фуқароси ёки фуқаролиги бўлмаган шахс бўлиб, унинг Ўзбекистон Республикасида олинган ЖШШИРи бўлмаса, унга дастур томонидан автоматик тарзда 14 та рақамдан иборат фарқлаш коди берилади.

Юридик шахслар учун тўловчининг СТИРи кўрсатилади.

б) тўловни қабул қилиб олган банкнинг МФОси/банкнинг тўлиқ номи;

в) тўловчининг Ўзбекистон Республикаси миллий валютасидаги ҳисобварағи рақами кўрсатилади. Бунда тўловчи Ўзбекистон Республикаси миллий валютасидаги ҳисобварағига эга бўлмаган жисмоний шахс бўлса, ушбу устун тўлдирилмайди.

**5) 5-графа. «Товарнинг умумий божхона қиймати».**

Графанинг биринчи қисмида декларацияланаётган товарларнинг тижорат ҳужжатларида кўрсатилган валютасидаги умумий божхона қиймати кўрсатилади.

Графанинг иккинчи қисмида декларацияланаётган товарларнинг АҚШ доллари эквивалентидаги умумий божхона қиймати дастур томонидан автоматик тарзда шаклланади.

Агар товарларнинг тижорат ҳужжатларида кўрсатилган валюта АҚШ долларларида бўлса ёки тижорат ҳужжатлари мавжуд бўлмаса ёхуд валюта кўрсатилмаган бўлса, фақат АҚШ долларларидаги умумий божхона қиймати кўрсатилади. Бунда графанинг иккинчи қисми тўлдирилмайди.

Товарларнинг умумий божхона қийматини умумий БКОнинг 13-графаларидаги товарларнинг божхона қийматлари йиғиндиси ташкил қилади;

**6) 6-графа. «Валюта курси».**

Графанинг биринчи қисмида декларацияланаётган товарларнинг тижорат ҳужжатларида кўрсатилган валютасининг Ўзбекистон Республикаси Марказий банки томонидан белгиланган, БКО рўйхатга олинган кундаги Ўзбекистон Республикаси миллий валютасига нисбатан курси кўрсатилади.

Графанинг иккинчи қисмида Ўзбекистон Республикаси Марказий банки томонидан белгиланган, БКО рўйхатга олинган кундаги АҚШ долларининг Ўзбекистон Республикаси миллий валютасига нисбатан курси дастур томонидан автоматик тарзда шаклланади.

Агар товарларнинг тижорат ҳужжатларида кўрсатилган валюта АҚШ долларларида бўлса ёки тижорат ҳужжатлари мавжуд бўлмаса ёхуд валюта кўрсатилмаган бўлса, графанинг биринчи қисми тўлдирилади.

**7) 7-графа. «Товар коди».**

Графада декларацияланаётган товарнинг Ўзбекистон Республикаси ташқи иқтисодий фаолияти товар номенклатурасига (бундан буён матнда ТИФ ТН деб юритилади) мувофиқ ўнта рақамли коди кўрсатилади.

Бунда, қонунчиликка мувофиқ ягона божхона тўловлари ундирилиши назарда тутилган ҳолларда ушбу графа тўлдирилмайди.

**8) 8-графа. «Брутто оғирлик (кг)».**

Графада декларацияланаётган товарнинг килограммдаги брутто оғирлиги кўрсатилади.

Брутто оғирлик деганда товарнинг умумий оғирлиги, шу жумладан товар муомалага киритилгунга қадар ҳолатини ўзгармаслигини таъминлаб туриш учун зарур бўлган унинг барча турдаги ўрамлари (контейнер ва бошқа транспорт ускуналари бундан мустасно) билан биргаликдаги умумий оғирлиги тушунилади.

Брутто вазн математик қоидаларга кўра вергулдан кейинги икки белгигача, агар товарнинг умумий оғирлиги бир килограммдан кам бўлса, брутто оғирлиги вергулдан кейинги уч белгигача аниқликда кўрсатилади.

**9) 9-графа. «Миқдори».**

Графада декларацияланаётган товарнинг қўшимча ўлчов бирлигидаги

миқдори ва ўлчов бирлигининг ТИФ ТНга мувофиқ шартли белгиланиши кўрсатилади.

Товарларнинг қўшимча ўлчов бирлигидаги миқдори вергулдан кейинги иккинчи белгигача аниқликда кўрсатилади.

Ушбу графа ТИФ ТНга мувофиқ товарнинг ўлчов бирлиги «кг» кўрсатилган ҳолатларда тўлдирилмайди.

**10) 10-графа. «Нетто оғирлик (кг)».**

Графада декларацияланаётган товарнинг килограммдаги нетто оғирлиги кўрсатилади.

Қадоқланган ҳолатда олиб ўтилаётган товар учун нетто оғирлик:

декларацияланаётган товарнинг фақат бирламчи қадоғини ҳисобга олган ҳолдаги оғирлиги, агар товарлар, истеъмол хусусиятларидан келиб чиққан ҳолда, шундай қадоқда чакана савдога чиқарилса ва (ёки) товарни сотишда унинг сақланишини таъминлайдиган бирламчи қадоқни товарнинг истеъмол хусусиятларини бузмаган ҳолда товарни истеъмол қилгунга қадар товардан ажратиб бўлмайдиган (масалан, банкадаги кофе ва х.к.) бўлса;

бошқа ҳолатларда декларацияланаётган товарнинг ҳеч қандай қадоқсиз оғирлиги ҳисобланади.

Қадоқсиз (сочилган, қўйилган, уюм ҳолда) олиб ўтиладиган товар учун товарнинг умумий оғирлиги кўрсатилади.

Нетто вазн математик қоидаларга кўра вергулдан кейинги икки белгигача, агар товарнинг умумий оғирлиги бир килограммдан кам бўлса, нетто оғирлиги вергулдан кейинги уч белгигача аниқликда кўрсатилади.

**11) 11-графа. «Товар номи».**

Графада декларацияланаётган товар ҳақида маълумотлар, яъни товарнинг номи (савдо, тижорат ёки бошқа анъанавий номи), товар белгилари, маркалари, моделлари, бошқа техник ва тижорат тавсифлари тўғрисидаги маълумотлар кўрсатилади.

Мазкур графада мобил қурилмаларнинг барча IMEI-кодлари тўғрисидаги маълумотлар кўрсатилади.

**12) 12-графа. «Товар №».**

Графада декларацияланаётган товарнинг тартиб рақами кўрсатилади. Битта турдаги товар декларацияланаётган бўлса, графада «1» рақами кўрсатилади. Биттадан ортиқ турдаги товарлар декларацияланган бўлса рақамлар кетма-кетликда кўрсатилади, яъни 1,2,3...100.

**13) 13-графа. «Божхона қиймати».**

Графанинг биринчи қисмида товарнинг тижорат ҳужжатларида кўрсатилган валютасидаги божхона қиймати кўрсатилади.

Графанинг иккинчи қисмида товарнинг АҚШ доллари эквивалентидаги божхона қиймати дастур томонидан автоматик тарзда шаклланади.

Агар товарнинг тижорат ҳужжатларида кўрсатилган валюта АҚШ долларида бўлса ёки тижорат ҳужжатлари мавжуд бўлмаса ёхуд валюта кўрсатилмаган бўлса, фақат АҚШ долларидаги божхона қиймати кўрсатилади. Бунда графанинг иккинчи қисми тўлдирилмайди.



Божхона қиймати Ўзбекистон Республикаси Божхона кодекси талабларига мувофиқ аниқланади.

Божхона қиймати математик қоидаларга кўра вергулдан сўнг икки белгигача аниқликда яхлитланади.

**14) 14-графа. «Жўнатувчи мамлакат коди ва номи».**

Графада Йўриқноманинг 5-иловасига мувофиқ товарлар жўнатилган мамлакатнинг рақамли коди ва номи кўрсатилади.

**15) 15-графа. «Келиб чиқиш мамлақати коди ва номи».**

Графада Йўриқноманинг 5-иловасига мувофиқ товар келиб чиқиш мамлакатининг рақамли коди ва номи кўрсатилади.

Агарда БКОни тўлдиришда товарнинг келиб чиқиш мамлақати номаълум бўлса, графада «000-номаълум» деб кўрсатилади.

Агар товарни келиб чиқиш сертификатида Европа иттифоқининг аниқ мамлақати кўрсатилмаган бўлиб, товарнинг келиб чиқиш мамлақати сифатида Европа иттифоқи кўрсатилган бўлса, лотин ҳарфлари билан икки ҳарфдан иборат «EU» коди қўйилади.

**16) 16-графа. «Тақдим этиладиган ҳужжатлар/қўшимча маълумотлар».**

Графада БКО тўлдиришга асос бўладиган ҳужжатлар тўғрисидаги маълумотлар кўрсатилади.

Ҳар бир ҳужжат тўғрисидаги маълумотлар Йўриқноманинг 12-иловасидаги таснифлагичга мувофиқ ҳужжатнинг тартиб рақами ва ҳарфли кодини қўйган ҳолда кўрсатилади (реквизитларнинг ҳар бири янги сатрдан бошланади):

а) чеклар, квитанциялар, ҳисобварақ-фактура (инвойс), Умумжаҳон почта иттифоқининг ҳужжатларида назарда тутилган ҳужжатлар ва бошқа тижорат ҳужжатлари (масалан, 220-ИНВ № 005 05.01.2024 й.);

б) товарларни божхона ҳудудига олиб кириладиган жойгача етказиб бериш харажатларини тасдиқловчи ҳужжатлар;

в) транспорт ҳужжатларининг рақами (масалан, 205-АВИА № 259-12586814, 18.01.2024 й.);

г) қонунчиликда назарда тутилган бошқа ҳужжатлар (товарнинг келиб чиқиш сертификати рақами ва санаси, шахс томонидан маълум қилинган товарларнинг қиймати бўйича маълумоти ва ҳ.к.);

д) декларацияланаётган товарга норматив-ҳуқуқий ҳужжатларда назарда тутилган ҳолатларда, бошқа ваколатли органлар томонидан тақдим этиладиган рухсатномалар, хулосалар ва бошқа ҳужжатларнинг рўйхат рақами ва берилган санаси (масалан, 417-ССТ № UZ.SMT.01.065.1783700, 15.01.2024 й., 419-ФТСС № 431771, 04.01.2024 й.);

е) йўловчи божхона декларацияси рақами ва санаси;

ж) транзит декларация рақами ва санаси;

з) мобил қурилмалар белгиланган меъёрдан ортиқ миқдорда олиб кирилган ҳолатларда ёки уларнинг божхона расмийлаштирувидан ўтганлиги тўғрисида ҳужжатлар тақдим этилмаган тақдирда, божхона тўловларини ундириш учун асос ҳисобланадиган ариза рақами ва санаси;

**17) 17-графа. «Божхона тўловларининг ҳисоби».**

Графада божхона тўловлари суммасини ҳисоблаш БКО асосий варағи ва қўшимча варақларининг 11-графаларида кўрсатилган ҳар бир товар бўйича алоҳида амалга оширилади, бундан БКОнинг асосий варағида кўрсатиладиган божхона расмийлаштируви учун ундириладиган йиғимлар мустасно.

Графанинг:

«Тўлов тури» устунида Йўриқноманинг 13-иловасига мувофиқ божхона тўлов турининг коди кўрсатилади;

«Ҳисоблаш асоси» устунида божхона тўловини ҳисоблашнинг асоси кўрсатилади. Бунда ҳисоблаш асоси Ўзбекистон Республикаси миллий валюта-сида кўрсатилади.

Қонунчилик ҳужжатларида божхона тўловини ҳисоблаш учун асос сифатида пул бирликлари эмас, бошқа ўлчов бирликлари (масалан, маълум вақт оралиғи (соат), маълум бир ҳужжатларни берганлик учун ва ҳ.к.) белгиланган бўлса, мазкур графанинг «Ҳисоблаш асоси» устунида тегишли миқдор (1, 2 ва ҳ.к.) ва ўлчов бирлиги (соат, дона ва ҳ.к.) кўрсатилади;

«Ставка» устунида божхона тўлови суммасини ҳисоблашда қўлланиладиган божхона тўловлари ставкасининг белгиланган миқдори кўрсатилади;

«Сумма» устунида божхона тўловининг Ўзбекистон Республикаси миллий валютаси сўмда ҳисобланган суммаси кўрсатилади;

«Ҳисоб-китоб тафсилоти» устунида БКОнинг асосий ва қўшимча варақлари бўйича тўлов коди ва ундириладиган умумий божхона тўловлари суммаси тури бўйича ҳамда уларнинг йиғиндиси, яъни тўланадиган божхона тўловлари умумий суммаси «Жами» деган ёзувдан кейин кўрсатилади;

**18) 18-графа. «Божхона органи белгиси».**

Ушбу графада дастур томонидан БКОни расмийлаштирган божхона ходимининг фамилияси, исми ва отасининг исми ҳамда расмийлаштирув амалга оширилган вақт тўғрисидаги маълумотлар автоматик равишда шаклланади.

БКО божхона ходимининг электрон рақамли имзоси орқали тасдиқлаш йўли билан расмийлаштирилади. Расмийлаштирилган БКОга дастур орқали автоматик равишда матрицали штрих код (QR-код) қўйилади ҳамда божхона ходими томонидан муҳр ва имзо қўйилиши талаб этилмайди.

12. Тўловчи шахс томонидан БКОнинг 19-графаси қуйидаги тартибда тасдиқланади:

**19-графа. «Тўловчининг имзоси».**

Графа божхона тўловларини тўловчи жисмоний шахснинг ҳамда юридик шахс вакилининг имзоси билан тасдиқланади.

БКО Божхона қўмитасининг расмий веб-сайтида шахсий кабинет орқали электрон тарзда шакллантирилган маълумотлар асосида расмийлаштирилганда, ушбу графа электрон рақамли имзо билан тасдиқланади.

**2-§. Умумий БКОнинг қўшимча варағини тўлдириш**

13. Божхона ходими томонидан графаларнинг тўлдирилиши:

**1) 2-графа. «Қўшимча варақлар».**

Графада БКОнинг қўшимча варағи тартиб рақами кўрсатилади.

Масалан, БКОга иккита қўшимча варақ тўлдирилса, биринчи қўшимча варақда «2/3»; иккинчи қўшимча варақда эса «3/3» кўрсатилади.

**2) 3-графа. «БКО рўйхат рақами».**

БКО асосий варағининг 3-графасида кўрсатилган рўйхат рақами кўрсатилади.

14. Божхона ходими томонидан умумий БКО қўшимча варағи 7 — 13, 15 ҳамда 17-графасининг «Тўлов тури», «Ҳисоблаш асоси», «Ставка», «Сумма» устунлари умумий БКО асосий варағи 7 — 13, 15 ҳамда 17-графасининг «Тўлов тури», «Ҳисоблаш асоси», «Ставка», «Сумма» устунларини тўлдириш тартибига мувофиқ тўлдирилади.

**4-боб. Соддалаштирилган БКОни тўлдириш**

15. Божхона ходими томонидан графаларнинг тўлдирилиши:

1) соддалаштирилган БКОнинг 1 ва 2-графалари умумий БКО асосий варағи 3 ва 4-графаларига, 4-графаси умумий БКО қўшимча варағининг 17-графасини тўлдириш тартибига мувофиқ тўлдирилади;

2) 3-графа. «Тақдим этиладиган ҳужжатлар/қўшимча маълумотлар».

Графада БКО тўлдиришга асос бўладиган ҳужжатлар тўғрисидаги қуйидаги маълумотлар кўрсатилади:

а) дастлабки қарорни олиш учун тақдим этилган ариза рақами ва санаси;

б) эгаси божхона органи бўлган божхона омборида ёки чегара божхона постида вақтинча товарларни сақлаш учун асос бўлган ҳужжат рақами ва санаси;

в) транспорт воситасини божхона кузатувини амалга ошириш ёки божхона назорати остида ташилаётган товар ва транспорт воситалари учун белгиланган етказиб бериш муддати ўтказиб юборилган ҳолатда транзит декларацияси рақами ва санаси (масалан, ТР № 27001/01.01.2024/0000105);

г) автотранспорт воситасини бир календарь йил давомида тўқсон календарь кундан ортиқ муддатга вақтинчалик олиб кирганликда транспорт воситасини қайтариб олиб чиқиш мажбуриятномаси рақами ва санаси;

д) қонунчиликда назарда тутилган бошқа йиғимларни ундириш учун асос бўлган ҳужжат рақами ва санаси.

Мазкур графада БКО тўлдиришга асос бўлган божхона тартиб-таомили тўғрисидаги маълумотлар акс эттирилади.

Масалан, чегара божхона постида вақтинча товарларни сақлаганлик учун божхона йиғимларини ундириш мақсадида БКО тўлдирилса, товарнинг брутто вазни ва товар сақланган кунлар сони кўрсатилади.

3) соддалаштирилган БКОнинг 5-графаси умумий БКО асосий варағи

18-графасини тўлдириш тартибига мувофиқ тўлдирилади, бундан автоматлаштирилган тарзда расмийлаштирилган БКОлар мустасно.

16. Тўловчи шахс томонидан соддалаштирилган БКОнинг 6-графаси умумий БКОнинг асосий варағи 19-графасига мувофиқ тасдиқланади.

### 5-боб. БКОга ўзгартириш ва қўшимча киритиш ёки уни бекор қилиш

17. БКОга ўзгартириш ва (ёки) қўшимча киритиш ёки уни бекор қилиш қўйидаги ҳолларда амалга оширилади:

божхона назорати ва расмийлаштируви жараёнида йўл қўйилган хато ва камчиликларни бартараф этиш зарур бўлганда;

товарнинг божхона қиймати ва (ёки) божхона тўловлари суммасини тўғрилаш зарурати юзага келганда;

товарни божсиз олиб кириш нормасига ҳамда уни олиб ўтиш мақсадига аниқлик киритилганда;

битта товар юзасидан такроран бир нечта БКО қабул қилинган ҳолат аниқланганда;

ушбу Қоидаларнинг 2-банди еттинчи хатбошисига асосан ҳисобланган божхона тўловлари мобил қурилмани рўйхатдан ўтказиш учун мурожаат этган шахс томонидан 10 иш кўни ичида тўланмаган ёки тўлиқ тўланмаганда;

БКОга ўзгартириш, қўшимча киритиш ёки уни бекор қилиш учун асос бўладиган ҳамда тақдим этилган ҳужжатлар билан тасдиқланган, қонунчилик ҳужжатларига зид бўлмаган бошқа ҳолларда.

18. Божхона органининг ташаббуси билан ёки тўловчи шахснинг мурожаатига кўра мазкур Қоидаларнинг 17-банди иккинчи — тўртинчи ва еттинчи хатбошиларида назарда тутилган ҳолларда БКОга ўзгартириш ва (ёки) қўшимчалар киритилиши ҳамда мазкур Қоидаларнинг 17-банди тўртинчи — еттинчи хатбошиларида белгиланган ҳолларда бекор қилиниши мумкин.

19. Рўйхатга олиниб, расмийлаштирилмаган БКОни бекор қилиш, расмийлаштирилган БКОга божхона тўловлари суммасини қайтариш билан боғлиқ бўлмаган ҳамда божхона тўловлари ҳисобварағи шаклланганидан сўнг рўйхатга олиниб, расмийлаштирилмаган БКОга ўзгартириш ва (ёки) қўшимчалар киритиш мазкур Қоидаларнинг 3-бандида назарда тутилган таркибий тузилма бошлиғининг рухсати билан амалга оширилади.

БКО расмийлаштирилгандан сўнг унга божхона тўловлари суммасини қайтариш билан боғлиқ бўлган ўзгартириш ва (ёки) қўшимчалар киритиш ҳамда уни бекор қилиш Божхона қўмитасининг Қорақалпоғистон Республикаси, вилоятлар, Тошкент шаҳар бўйича бошқармалари, «Тошкент-АЭРО» ихтисослаштирилган божхона комплекси бошлиғи (ёки унинг ўринбосари) рухсати билан амалга оширилади.

20. Божхона органи тўловчи шахснинг БКОга ўзгартириш ва қўшимча киритиш ёки уни бекор қилиш юзасидан мурожаатини 5 иш кўни ичида кўриб чиқади ҳамда кўриб чиқиш натижаларини ёзма ёки электрон шаклда тўловчи шахсга маълум қилади.

Божхона органи кўриб чиқиш натижаси бўйича БКОга ўзгартириш ва қўшимча киритиш ёки уни бекор қилиш учун асослар мавжуд эмас ёхуд тақдим этилган ҳужжатлар тўлиқ эмас деб топса, асосланган сабабларни кўрсатган ҳолда мурожаатни рад этишга ҳақли.

21. Бекор қилинган БКОнинг 2-графасидаги рўйхат рақамини бошқа БКОга бериш тақиқланади.

### **6-боб. Яқуний қоидалар**

22. Тўловчи шахс божхона органининг хатти-ҳаракатлари ёки қароридан норози бўлган тақдирда, юқори турувчи божхона органига ёки судга шикоят қилишга ҳақли.

23. Тўловчи шахс Божхона қўмитасининг расмий веб-сайтидаги шахсий кабинети орқали электрон тарзда шакллантирилган ҳолда тақдим этилиб, расмийлаштирилган БКОнинг электрон шаклини юклаб олиш имкониятига эга бўлади.

24. Расмийлаштирилган БКОнинг электрон шакли товарлар божхона назорати остида турган товар мақомини йўқотган ёки божхона органи томонидан мазкур Қоидаларда белгиланган хатти-ҳаракат ва тартиб-таомиллар амалга оширилган йилдан кейинги йилдан эътиборан уч йил давомида дастурда сақланади.

25. Мазкур Қоидалар талабларини бузилишида айбдор бўлган шахслар қонунчилик ҳужжатларида белгиланган тартибда жавобгарликка тортилади.

Ўзбекистон Республикаси  
иқтисодиёт ва молия вазирининг 2024 йил  
22 майдаги 125-сон буйруғига  
2-ИЛОВА

**Ўз кучини йўқотган деб топилаётган айрим идоравий  
норматив-ҳуқуқий ҳужжатлар  
РЎЙХАТИ**

1. Ўзбекистон Республикаси Давлат божхона қўмитасининг 2017 йил 16 январдаги 01-02/8-1-сон «Божхона кирим ордерининг шакли ва уни тўлдириш қоидаларини тасдиқлаш ҳақида»ги қарори (рўйхат рақами 2856, 2017 йил 3 февраль) (Ўзбекистон Республикаси қонун ҳужжатлари тўплами, 2017 й., 5-сон, 65-модда).

2. Ўзбекистон Республикаси Давлат божхона қўмитасининг 2018 йил 1 мартдаги 01-02/12-23-сон «Божхона кирим ордерининг шакли ва уни тўлдириш қоидаларининг 2-бандига ўзгартириш киритиш ҳақида»ги қарори (рўйхат рақами 2856-1, 2018 йил 9 март) (Қонун ҳужжатлари маълумотлари миллий базаси, 09.03.2018 й., 10/18/2856-1/0873-сон).

3. Ўзбекистон Республикаси Давлат божхона қўмитасининг 2019 йил 8 июлда 01-02/8-43-сон «Божхона кирим ордерининг шакли ва уни тўлдириш қоидаларига ўзгартириш киритиш ҳақида»ги қарори (рўйхат рақами 2856-2, 2019 йил 15 июль) (Қонун ҳужжатлари маълумотлари миллий базаси, 15.07.2019 й., 10/19/2856-2/3427-сон).

4. Ўзбекистон Республикаси Давлат божхона қўмитасининг 2022 йил 29 августдаги 8/02-22-29-сон «Божхона кирим ордерининг шакли ва уни тўлдириш қоидаларига ўзгартириш ва қўшимчалар киритиш ҳақида»ги қарори (рўйхат рақами 2856-3, 2022 йил 11 октябрь) (Қонунчилик маълумотлари миллий базаси, 11.10.2022 й., 10/22/2856-3/0911-сон).

5. Ўзбекистон Республикаси иқтисодиёт ва молия вазирининг 2023 йил 23 июндаги 41-сон «Ўзбекистон Республикаси Давлат божхона қўмитаси ва Молия вазирлиги томонидан қабул қилинган айрим идоравий норматив-ҳуқуқий ҳужжатларга ўзгартиришлар киритиш тўғрисида»ги буйруғи (рўйхат рақами 3447, 2023 йил 14 июль) (Қонунчилик маълумотлари миллий базаси, 17.07.2023 й., 10/23/3447/0484-сон) иловасининг 3-банди.

**Ўзбекистон Республикаси Адлия вазирлигининг  
вазирликлар, давлат қўмиталари ва идораларнинг  
норматив-ҳуқуқий ҳужжатларини давлат рўйхатидан  
ўтказиш ҳолати тўғрисида  
МАЪЛУМОТИ**

**1. Давлат рўйхатидан ўтказилди:**

1. Ўзбекистон Республикаси Давлат хавфсизлик хизматининг 2024 йил 20 июндаги 12-сон ва Соғлиқни сақлаш вазирлигининг 2024 йил 19 июндаги 7-сон “Ўзбекистон Республикаси Давлат хавфсизлик хизмати “Темурбеклар мактаби” ва “Ёш чегарачилар” ҳарбий-академик лицейларига ўқишга кираётган фуқаролар ҳамда таҳсил олаётган ўқувчиларни тиббий кўрикдан ўтказиш тартиби тўғрисидаги низомни тасдиқлаш ҳақида”ги қарори.

***2024 йил 1 июлда рўйхатдан ўтказилди, рўйхат рақами 3524.***

2. O‘zbekiston Respublikasi Vazirlar Mahkamasi huzuridagi Soliq qo‘mitasining 2024-yil 26-iyundagi 2024-08-son “Yuridik shaxslarni yirik soliq to‘lovchilar toifasiga kiritishning mezonlarini belgilash to‘g‘risidagi nizomga o‘zgartirish va qo‘shimchalar kiritish haqida”gi qarori.

***2024-yil 1-iyulda ro‘yxatdan o‘tkazildi, ro‘yxat raqami 3172-3.***

3. Ўзбекистон Республикаси Олий таълим, фан ва инновациялар вазирлигининг 2024 йил 30 майдаги 7-к/қ-сон, Камбағалликни қисқартириш ва бандлик вазирлигининг 2024 йил 20 майдаги 7-2024/ҚҚ-сон ҳамда Иқтисодиёт ва молия вазирлигининг 2024 йил 20 майдаги 124-сон “Академик лицей, касб-хунар мактаби, коллеж ва техникумлар бошқарув, техник, хизмат кўрсатувчи ва ўқув-ёрдамчи ходимларининг намунавий штатларини тасдиқлаш тўғрисида”ги қарорга ўзгартириш ва қўшимчалар киритиш ҳақида”ги қарори.

***2024 йил 1 июлда рўйхатдан ўтказилди, рўйхат рақами 3119-3.***

4. Ўзбекистон Республикаси камбағалликни қисқартириш ва бандлик вазирининг 2024 йил 30 майдаги 8-2024/Б-сон “Йиғма темирбетон ва бетон конструкциялар ва буюмлар ишлаб чиқариш ходимлари учун меҳнатни муҳофаза қилиш қоидаларига ўзгартириш ва қўшимчалар киритиш тўғрисида”ги буйруғи.

***2024 йил 3 июлда рўйхатдан ўтказилди, рўйхат рақами 1967-4.***

5. O‘zbekiston Respublikasi Markaziy banki boshqaruvining 2024-yil 19-iyundagi 21/3-son “To‘lov tizimi operatorlari va to‘lov tashkilotlari faoliyatini litsenziyalash tartibi to‘g‘risidagi nizomga o‘zgartirish va qo‘shimchalar kiritish haqida”gi qarori.

*2024-yil 4-iyulda ro'yxatdan o'tkazildi, ro'yxat raqami 3431-1.*

6. Ўзбекистон Республикаси иқтисодиёт ва молия вазирининг 2024 йил 22 майдаги 125-сон “Божхона кирим ордерининг шакли ва уни тўлдириш қоидаларини тасдиқлаш ҳақида”ги буйруғи.

*2024 йил 4 июлда рўйхатдан ўтказилди, рўйхат рақами 3525.*

### II. Давлат реестридан чиқарилди:

1. Ўзбекистон Республикаси Давлат божхона қўмитасининг 2017 йил 16 январдаги 01-02/8-1-сон “Божхона кирим ордерининг шакли ва уни тўлдириш қоидаларини тасдиқлаш ҳақида”ги қарори (рўйхат рақами 2856, 2017 йил 3 февраль), шунингдек унга ўзгартириш ва қўшимчалар (рўйхат рақами 2856-1, 2018 йил 9 март), (рўйхат рақами 2856-2, 2019 йил 15 июль), (рўйхат рақами 2856-3, 2022 йил 11 октябрь).

*2024 йил 6 октябрда давлат реестридан чиқарилади.*

**Мазкур ҳужжатлар қонунчиликка ўзгартириш киритилиши ва/ёки янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.**